

वीर सेवा मन्दिर
दिल्ली

★

४१८२

क्रम संख्या

२२

उवाच

काल न०

वर्णन

प्राकृत विद्या मंडल ग्रन्थांक-४

उ वा स ग द सा ओ

जैन-भागम-सप्तम-अक्ष

प्राकृत विद्या मंडल

ला. द. भारतीय संस्कृति विद्यामन्दिर

अहमदाबाद

१९६८

प्रकाशक

दलसुख मालवणिया

वी. एम. शाह

मन्त्री

प्राकृत विद्या मण्डल

अहमदाबाद-९

ई. स. १९६८

प्रति ५००

मूल्य ००-७५

मुद्रक

वैद्यराज स्वामी श्री त्रिभुवनदासजी शास्त्री

श्री रामानन्द प्रिन्टिङ्ग प्रेस

कांकरिया रोड

अहमदाबाद-२२

प्रकाशकीय

प्राकृत भाषा और साहित्य के विद्यार्थियों को पाठ्य-पुस्तकें सुलभ कराने के उद्देश्य के पूर्तिरूप में यह चौथा ग्रन्थ 'उवासगदसाओ' जो कई विश्वविद्यालयों में निर्धारित है, प्रकाशित किया जा रहा है। छात्रों को अपने अध्ययन में यह ग्रन्थ सहायक होगा ऐसा हमारा विश्वास है।

इस ग्रन्थ के प्रकाशन में श्री लालभाई चिमनलाल शाह के सद्-प्रयत्नों से श्री शाहपुर मङ्गलपारेख खांचा जैन श्वेताम्बर मूर्तिपूजक संघ, अहमदाबाद १ के ज्ञान फंड की ओर से रु० ५०१ की आर्थिक सहायता मिली है। एतदर्थ प्राकृत विद्या मण्डल उनका आभार मानता है। अन्य ट्रस्ट भी अपने ज्ञान-फंड का इस दिशा में उपयोग करेंगे ऐसी हमारी आशा है।

इस ग्रन्थ का सम्पादन पं. बेवरदासजी दोशी ने किया है जो प्रा. वि. मण्डल के अध्यक्ष हैं। इसके लिए प्राकृत विद्या मण्डल उनका आभारी है। प्रकृत संशोधन कार्य में डॉ. के. ऋषभ चन्द्र ने सहायता की है इसलिए उनका भी आभार मानते हैं। इस ग्रन्थ का पहला फर्मा मङ्गल मुद्रणालय, रतन पॉल और अन्य फर्में रामानन्द प्रिन्टिङ्ग प्रेस ने छापे हैं इसके लिए उनके व्यवस्थापकों का भी आभार मानते हैं।

मन्त्री

ता. २६-१-६८

प्राकृत विद्या मण्डल

अनुक्रमणिका

प्रकाशकीय

स्रवासगदसासु	१-६२
पढमे भाणन्दे अज्झयणे	१
बीये कामदेवे अज्झयणे	१९
तइये चुलणीपियज्झयणे	२८
चउत्थे सुरादेवे अज्झयणे	३३
पञ्चमे चुल्लसयए अज्झयणे	३५
छट्ठे कुण्डकोलिए अज्झयणे	३६
सत्तमे सहालपुत्ते अज्झयणे	४०
अट्ठमे महासयए अज्झयणे	५२
नवमे नन्दिणीपिया अज्झयणे	६०
दसमे सालिहीपिया अज्झयणे	६०
स्रवासगदसाओ सूत्र—	
परिचय और टिप्पणियाँ	६३-६५

पढमे आणन्दे अज्झयणे

॥ उक्खेवो ॥

तेणं कालेणं तेणं समणं चम्पा नामं नयरी होत्था ।
वण्णओ । पुण्णंहे चेइए । वण्णओ ॥ १ ॥

तेणं कालेणं तेणं समणं अज्जसुहम्मे समोसरिए जाव
जम्बू पज्जुवासमाणे एवं वयासी-“ जइ णं, भन्ते ! समणेणं
भगवया महावीरेणं जाव संपत्तेणं छट्ठस्स अक्कस्स नायाध-
म्मकहाणं अयमट्ठे पण्णत्ते, सत्तमस्स णं, भन्ते ! अक्कस्स
उवासगदसाणं समणेणं जाव संपत्तेणं के अट्ठे पण्णत्ते ? ”

एवं खलु, जम्बू ! समणेणं जाव संपत्तेणं सत्तमस्स
अक्कस्स उवासगदसाणं दस अज्झयणा पण्णत्ता । तं जहा-
आणन्दे ॥ १ ॥ कामदेवे य ॥ २ ॥ गाहावइ-चुलणीपिया ॥ ३ ॥
सुगादेवे ॥ ४ ॥ चुल्लसयप ॥ ५ ॥ गाहावइ-कुण्डकोलिप
॥ ६ ॥ सहालपुत्ते ॥ ७ ॥ महासयप ॥ ८ ॥ नन्दिणीपिया
॥ ९ ॥ सालिहीपिया ॥ १० ॥

“ जइ णं, भन्ते ! समणेणं जाव संपत्तेणं सत्तमस्स अक्कस्स
उवासगदसाणं दस अज्झयणा पण्णत्ता, पढमस्स णं, भन्ते !
समणेणं जाव संपत्तेणं के अट्ठे पण्णत्ते ? ” ॥ २ ॥

एवं खलु, जम्बू ! तेणं कालेणं तेणं समणं वाणियगामे
नामं नयरे होत्था । वण्णओ । तस्स वाणियगामस्स नयरस्स
बहिया उत्तरपुरत्थिमे दिसाभाए दूइपलासए नामं चेइए ।
तत्थ णं वाणियगामे नयरे जियसलू नामं राया होत्था ।
वण्णओ । तत्थ णं वाणियगामे आणन्दे नामं गाहावई परि-
वसइ. अइठे जाव अपरिभूए ॥ ३ ॥

तस्स ण आणन्दस्स गाहावइस्स चत्तारि हिरण्णकोडीओ
निहाणपउत्ताओ, चत्तारि हिरण्णकोडीओ वड्ढिपउत्ताओ,

चत्तारि हिरण्णकोडीओ पवित्थरपउत्ताओ, चत्तारि वया
दसगोसाहस्सिपणं वपणं होत्था ॥ ४ ॥

से णं आणन्दे गाहावई बह्वणं राईसर जाव सन्थवाहाणं
बहसु कज्जेसु य कारणेसु य मन्तेसु य कुहम्बेसु य गुञ्जेसु
य रहस्सेसु य निच्छणसु य ववहारेसु य आपुच्छणिज्जे
पडिपुच्छणिज्जे सयस्स वि य णं कुहम्बस्स मेढी पमाणं
आधारे आलम्भणं चक्खु, मेढीभूप जाव सब्बकज्जवद्दवावप
यावि होत्था ॥ ५ ॥

तस्स णं आणन्दस्स गाहावइस्स सिवन्नदा नामं भारिया
होत्था, अहीण जाव सुरुवा । आणन्दस्स गाहावइस्स इहा,
आणन्देणं गाहावइणा सखि अणुरत्ता अविरत्ता इहा, सह
जाव पञ्चविहे माणुस्सप कामभोप पञ्चणुभवमाणा विह-
रइ ॥ ६ ॥

तस्स णं वाणियगामस्स बहिया उत्तरपुरत्थिमे दिस्सीभाप
पत्थ णं कोल्लाप नामं संनिवेसे होत्था, रिद्धत्थिमिय जाव
पासादिप ४ ॥ ७ ॥

तत्थ णं कोल्लाप संनिवेसे आणन्दस्स गाहावइस्स बहुप
मित्तनाइनियगसयणसंबंधिपरिजणे परिवसइ, अइहे जाव
अपरिभूप ॥ ८ ॥

तेणं कालेणं तेणं समपणं भगवं महावीरे जाव समोस-
रिप । परिसा निग्गया । कूणिप राया जहा तहा जियसत्तू
निग्गच्छइ, २ त्ता जाव पज्जुवासइ ॥ ९ ॥

तप णं से आणन्दे गाहावई इमीसे कहाप लद्धे समणे
“पवं खलु समणे जाव विहरइ, तं महाफलं, गच्छामि णं
जाव पज्जुवासामि” पवं संपेहेइ, २ त्ता ण्हाप सुद्धप्पावेसाइं
जाव अप्पमहग्घाभरणालंक्रियसरीरे सयाओ गिहाओ पडि-

णिकल्लमह, २ ता सकोरेण्टमल्लदामेणं छत्तेणं धरिज्जमाणेणं मणुस्सवग्गुरापरिखित्ते पायविहारचारेणं वाणियगामं नयरं मज्झमज्जेणं निग्गच्छइ, २ ता जेणामेव दूइपलासे चेइप जेणेव समणे भगवं महावीरे, तेणेव उवागच्छइ, २ ता तिकखुत्तो आयाहिणं पयाहिणं करेइ, २ ता वन्दइ नमंसइ जाव पज्जुवासइ ॥ १० ॥

तप णं समणे भगवं महावीरे आणन्दस्स गाहावइस्स तीसे य महइमहालियाप परिसाप जाव धम्मकहा । परिसा पडिगया, राया य गप ॥ ११ ॥

तप णं से आणन्दे गाहावई समणस्स भगवओ महावीरस्स अन्तिप धम्मं सोच्चा निसम्म हट्टुतुट्ट जाव पवं वयासी--“सइहामि णं भन्ते ! निग्गन्थं पावयणं, पत्तियामि णं भन्ते ! निग्गन्थं पावयणं, रोपमि णं भन्ते ! निग्गन्थं पावयणं, एवमेयं भन्ते !, तहमेयं भन्ते !, अचित्तहमेयं भन्ते !, इच्छियमेयं भन्ते !, पडिच्छियमेयं भन्ते !, इच्छियपडिच्छियमेयं भन्ते ! से जहेयं तुब्भे वयह त्ति कट्टु जहा णं देवाणुप्पियाणं अन्तिप बहवे राईसरतलवरमाडम्बियकोहुम्बियसेट्टिसन्थवाहप्पभिइया मुण्ढा भविता अगाराओ अणगारियं पव्वइया, नो खलु अहं तहा संचापमि मुण्ढे जाव पव्वइत्तप । अहं णं देवाणुप्पियाणं अन्तिप पञ्चाणुव्वइयं सत्तसिक्खावइयं दुवालसचिहं गिहिधम्मं पड्विज्जिस्सामि । ” अहासुहं, देवाणुप्पिया ! मा पडिबन्धं करेइ ॥ १२ ॥

तप णं से आणन्दे गाहावई समणस्स भगवओ महावीरस्स अन्तिप तप्पढमयाप थूलगं पाणाइवायं पच्चक्खाइ--“जावज्जीवाप दुविहं तिविहेणं न करेमि न कारवेमि मणसा वयसा कायसा” ॥ १३ ॥

तयाणन्तरं च णं थूलगं मुसावायं पच्चक्खाइ-“जाव-
ज्जीवाप दुविहं तिविहेणं न करेमि न कारवेमि मणसा
वयसा कायसा ” ॥ १४ ॥

तयाणन्तरं च णं थूलगं अदिण्णादाणं पच्चक्खाइ-“जाव-
ज्जीवाप दुविहं तिविहेणं न करेमि न कारवेमि मणसा
वयसा कायसा ” ॥ १५ ॥

तयाणन्तरं च णं सदारसन्तोसोप परिमाणं करेइ-
“नन्नत्थ पक्काप सिवनन्दाप भारियाप, अवसेसं सञ्चं मेहुण-
विहिं पच्चक्खामि ३ ” ॥ १६ ॥

तयाणन्तरं च णं इच्छाविहिपरिमाणं करेमाणे, हिरण्णसु-
वण्णविहिपरिमाणं करेइ-“नन्नत्थ चउहिं हिरण्णकोडीहिं
निहाणपउत्ताहिं, चउहिं वड्ढिपउत्ताहिं, चउहिं पवित्थरपउ-
त्ताहिं, अवसेसं सञ्चं हिरण्णसुवण्णविहिं पच्चक्खामि ३” ॥१७॥

तयाणन्तरं च णं चउपयविहिपरिमाणं करेइ-“नन्नत्थ
चउहिं वपहिं दसगोसाहस्सिपणं वपणं अवसेसं सञ्चं
चउपयविहिं पच्चक्खामि ३ ” ॥ १८ ॥

तयाणन्तरं च णं खेत्तवत्थुविहिपरिमाणं करेइ-“नन्नत्थ
पञ्चहिं हलसपहिं निप्रत्तणसइपणं हलेणं, अवसेसं सञ्चं
खेत्तवत्थुविहिं पच्चक्खामि ३ ” ॥ १९ ॥

तयाणन्तरं च णं सगडविहिपरिमाणं करेइ-“नन्नत्थ
पञ्चहिं सगडसपहिं दिसायत्तिपहिं, पञ्चहिं सगडसपहिं
संवाहणिपहिं, अवसेसं सञ्चं सगडविहिं पच्चक्खामि ३” ॥२०॥

तयाणन्तरं च णं वाहणविहिपरिमाणं करेइ-“नन्नत्थ
चउहिं वाहणेहिं दिसायत्तिपहिं, चउहिं वाहणेहिं संवाहणि-
पहिं, अवसेसं सञ्चं वाहणविहिं पच्चक्खामि ३ ” ॥ २१ ॥

तयाणन्तरं च णं उवभोगपरिभोगविहिं पञ्चकस्त्रामिणे
उल्लणियाविहिपरिमाणं करेइ-“नन्नत्थ पगाप गन्धकासा-
ईप, अवसेसं सव्वं उल्लणियाविहिं पच्चकस्त्रामि ३” ॥ २२ ॥

तयाणन्तरं च णं दन्तवणविहिपरिमाणं करेइ-“नन्नत्थ
पगेणं अल्ललट्टीमहुपणं, अवसेसं दन्तवणविहिं पच्चकस्त्रामि
३ ” ॥ २३ ॥

तयाणन्तरं च णं फलविहिपरिमाणं करेइ-“ नन्नत्थ
पगेणं खीरामलपणं, अवसेसं फलविहिं पच्चकस्त्रामि ३” ॥ २४ ॥

तयाणन्तरं च णं अम्भङ्गणविहिपरिमाणं करेइ-“नन्नत्थ
सयपागसहस्सपागेहिं तेल्लेहिं, अवसेसं अम्भङ्गणविहिं
पच्चकस्त्रामि ३” ॥ २५ ॥

तयाणन्तरं च णं उव्वट्टणविहिपरिमाणं करेइ-“नन्नत्थ
पगेणं सुरहिणा गन्धवट्टणं, अवसेसं उव्वट्टणविहिं पच्च-
कस्त्रामि ३ ” ॥ २६ ॥

तयाणन्तरं च णं मज्जणविहिपरिमाणं करेइ-“नन्नत्थ
अट्टिहिं उट्टिपहिं उदगस्स घट्टपहिं, अवसेसं मज्जणविहिं
पच्चकस्त्रामि ३” ॥ २७ ॥

तयाणन्तरं च णं वत्थविहिपरिमाणं करेइ-“नन्नत्थ
पगेणं खोमज्जयलेणं, अवसेसं वत्थविहिं पच्चकस्त्रामि ३” ॥ २८ ॥

तयाणन्तरं च णं विलेवणविहिपरिमाणं करेइ-“नन्नत्थ
अगरुकुक्कुमचन्दणमादिपहिं, अवसेसं विलेवणविहिं पच्च-
कस्त्रामि ३” ॥ २९ ॥

तयाणन्तरं च णं पुप्फविहिपरिमाणं करेइ-“नन्नत्थ
पगेणं सुद्धपउमेणं मालइकुसुमदामेणं वा, अवसेसं पुप्फ-
विहिं पच्चकस्त्रामि ३ ” ॥ ३० ॥

तयाणन्तरं च णं आभरणविहिपरिमाणं करेइ-“नन्नत्थ मट्टकण्णेज्जपहिं नाममुहाप य अवसेसं आभरणविहिं पच्चक्खामि ३” ॥ ३१ ॥

तयाणन्तरं च णं धूवणविहिपरिमाणं करेइ-“नन्नत्थ-अगरुतुरुक्कधूवमादिपहिं, अवसेसं धूवणविहिं पच्चक्खामि ३” ॥ ३२ ॥

तयाणन्तरं च णं भोयणविहिपरिमाणं करेमाणे, पेज्ज-विहिपरिमाणं करेइ-“नन्नत्थ पगाप कट्टपेज्जाप, अवसेसें पेज्जविहिं पच्चक्खामि ३” ॥ ३३ ॥

तयाणन्तरं च णं भक्खविहिपरिमाणं करेइ-“नन्नत्थ पगेहिं घयपुण्णेहिं, खण्डखज्जपहिं वा अवसेसं भक्खविहिं पच्चक्खामि ३” ॥ ३४ ॥

तयाणन्तरं च णं ओदणविहिपरिमाणं करेइ-“नन्नत्थ कलमसालिओदणेणं, अवसेसं ओदणविहिं पच्चक्खामि ३” ॥ ३५ ॥

तयाणन्तरं च णं सूवविहिपरिमाणं करेइ-“नन्नत्थ कलायसूवेण वा हुग्गमाससूवेण वा, अवसेसं सूवविहिं पच्चक्खामि ३” ॥ ३६ ॥

तयाणन्तरं च णं घयविहिपरिमाणं करेइ-“नन्नत्थ-सारइपणं गोघयमण्ठेणं, अवसेसं घयविहिं पच्चक्खामि ३” ॥ ३७ ॥

तयाणन्तरं च णं सागविहिपरिमाणं करेइ-“नन्नत्थ-वत्थुसापण वा सुत्थियसापण वा मण्डुक्कियसापण वा, अवसेसं सागविहिं पच्चक्खामि ३” ॥ ३८ ॥

तयाणन्तरं च णं माहुरयविहिपरिमाणं करेइ-“नन्तत्थ पणेणं पालक्कामाहुरएणं, अवसेसं माहुरयविहिं पच्चक्खामि ३” ॥ ३९ ॥

तयाणन्तरं च णं जेमणविहिपरिमाणं करेइ-“नन्तत्थ सेहंबदालियंवेहिं, अवसेसं जेमणविहिं पच्चक्खामि ३” ॥ ४० ॥

तयाणन्तरं च णं पाणियविहिपरिमाणं करेइ । “नन्नत्थ पणेणं अन्तलिकखोदपणं, अवसेसं पाणियविहिं पच्चक्खामि ३” ॥ ४१ ॥

तयाणन्तरं च णं मुहवासविहिपरिमाणं करेइ-“नन्तत्थ पञ्चसोगन्धिपणं तम्बोलेणं, अवसेसं मुहवासविहिं पच्चक्खामि ३” ॥ ४२ ॥

तयाणन्तरं च णं चउव्विहं अणट्टादण्डं पच्चक्खाइ-तं जहा-अवज्झाणायरियं, पमायायरियं, हिंसपयाणं, पावकम्मोवपसे ॥ ४३ ॥

इह खलु “आणन्दा !” इ समणे भगवं महावीरे आणन्दं समणोवासगं एवं वयासी-“एवं खलु, आणन्दा ! समणोवासपणं अभिगयजीवाजीवेणं जाव अणइक्कमणिज्जेणं सम्मत्तस्स पञ्च अइयारा पेयाला जाणियव्वा, न समायरियव्वा-तं जहा-सङ्का, कंखा, विइगिच्छा, परपासण्डपसंसा, परपासण्डसंथवे ॥ ४४ ॥

तयाणन्तरं च णं थूलगस्स पाणाइवायवेरमणस्स समणोवासपणं पञ्च अइयारा पेयाला जाणियव्वा, न समायरियव्वा-तं जहा-बन्धे, वहे, छविच्छेप, अइभारे, भत्तपाणवोच्छेप । १ ॥ ४५ ॥

तयाणन्तरं च णं थूलगस्स मुसावायवेरमणस्स पञ्च

अइयारा जाणियव्वा, न समायरियव्वा-तं जहा-सहसा-
भक्खाणे, रहसाभक्खाणे, सदारमन्तभेप, मोसोवपसे,
कूडलेहकरणे । २ ॥ ४६ ॥

तयाणंतरं च णं थूलगस्स अदिण्णादाणवेरमणस्स पञ्च
अइयारा जाणियव्वा, न समायरियव्वा-तं जहा-तेणा-
हडे, तक्करप्पभोगे, विरुद्धरज्जाइकमे, कूडतुलकूडमाणे,
त्पण्डिरुवगववहारे । ३ ॥ ४७ ॥

तयाणन्तरं च णं सदारसन्तोसीप पञ्च अइयारा जाणि-
यव्वा, न समायरियव्वा-तं जहा-इत्तरियपरिग्गहिया-
गमणे, अपरिग्गहियागमणे, अणक्कीडा, परविवाहकरणे,
कामभोगा तिग्वाभिलासे । ४ ॥ ४८ ॥

तयाणन्तरं च णं इच्छापरिमाणस्स समणोवासपणं पञ्च
अइयारा जाणियव्वा, न समायरियव्वा-तं जहा-खेत्त-
षःथुपमाणाइकमे, हिरणसुवणपमाणाइकमे, दुपयचउपय-
पमाणाइकमे, धणधन्नपमाणाइकमे, कुवियपमाणाइकमे । ५
॥४९॥

तयाणन्तरं च णं दिसिवयस्स पञ्च अइयारा जाणियव्वा
न समायरियव्वा-तं जहा-उड्ढदिसिपमाणाइकमे, अहो-
दिसिपमाणाइकमे, तिरियदिसिपमाणाइकमे, खेत्तवुड्ढा,
सइअन्तरद्धा । ६ ॥ ५० ॥

तयाणन्तरं च णं उवभोगपरिभोगे दुचिहे पण्णत्ते-तं
जहा-भोयणओ य कम्मओ य । तत्थ णं भोयणओ सम-
णोवासपणं पञ्च अइयारा जाणियव्वा, न समायरियव्वा-
तं जहा-सच्चित्ताहारे, सच्चित्तपडिबद्धाहारे, अप्पडलिओ-
सहिभक्खणया, दुप्पडलिओसहिभक्खणया, तुच्छोसहि-
भक्खणया । कम्मओ णं समणोवासपणं पण्णरस कम्मादाणाइं

जाणियव्वाइ, न समायरियव्वाइ-तं जहा-इक्कालकम्मे, वणकम्मे, साडीकम्मे, भाडीकम्मे, फोडीकम्मे, दन्तवाणिज्जे, लक्खावाणिज्जे, रसवाणिज्जे, विसवाणिज्जे, केसवाणिज्जे, जन्तपीलणकम्मे, निरुल्लंछणकम्मे, दवग्गिदावणया, सरदह-तलावसोसणया, असईजणपोसणया । ७ ॥ ५१ ॥

तयाणन्तरं च णं अणट्ठादण्डवेरमणस्स समणोवासपणं पञ्च अइयारा जाणियव्वा, न समायरियव्वा-तं जहा-कन्दप्पे, कुक्कुप, मोहरिप, संजुत्ताहिगरणे, उवभोगपरिभो-गाहरित्ते । ८ ॥ ५२ ॥

तयाणन्तरं च णं सामाइयस्स समणोवासपणं पञ्च अइ-यारा जाणियव्वा, न समायरियव्वा-तं जहा-मणदुप्पडि-हाणे, वयदुप्पडिहाणे, कायदुप्पडिहाणे, सामाइयस्स सह-अकरणया, सामाइयस्स अणवट्ठियस्स करणया । ९ ॥ ५३ ॥

तयाणन्तरं च णं देसावगासियस्स समणोवासपणं पञ्च अइयारा जाणियव्वा, न समायरियव्वा-तं जहा-अणव-णप्पओगे, पेसवणप्पओगे, सहाणुवाप, रूवाणुवाप, वहिया पोग्गलपक्खेवे । १० ॥ ५४ ॥

तयाणन्तरं च णं पोसहोववासस्स समणोवासपणं पञ्च अइयारा जाणियव्वा, न समायरियव्वा-तं जहा-अप्पडि-लेहियदुप्पडिलेहियसिज्जासंधारे, अप्पमज्जियदुप्पमज्जिय-सिज्जासंधारे, अप्पडिलेहियदुप्पडिलेहियउच्चारपासवणभूमी, अप्पमज्जियदुप्पमज्जियउच्चारपासवणभूमी, पोसहोववासस्स सम्मं अणणुपालणया । ११ ॥ ५५ ॥

तयाणन्तरं च णं अहासंविभागस्स समणोवासपणं पञ्च अइयारा जाणियव्वा, न समायरियव्वा-तं जहा-सच्चित्त-

निष्खेवणया, सचित्तपिहणया, कालाइकमे, परववदेसे,
मच्छरिया । १२ ॥ ५६ ॥

तयाणन्तरं च णं अपच्छिममारणन्तियसंलेहणाभूसणा-
ऽऽराहणाप पञ्च अह्यारा ज्ञाणियञ्चा, न समायरियञ्चा-तं
जहा-इहलोगासंसप्पओगे, परलोगासंसप्पओगे, जीविया-
संसप्पओगे, मरणासंसप्पओगे, कामभोगासंसप्पओगे
। १३ ॥ ५७ ॥

तप णं से आणन्दे गाहावई समणस्स भगवओ महा-
वीरस्स अन्तिप पञ्चाणुव्वइयं सत्तसिक्खावइयं दुवालसविहं
सावयधम्मं पडिवज्जइ, २त्ता समणं भगवं महावीरं वन्दइ नमं-
सइ, २ ता एवं वयासी-“ नो खलु मे, भन्ते ! कप्पइ अज्ज-
प्पभिहं अन्नउत्थिय वा अन्नउत्थियदेवयाणि वा अन्नउत्थि-
यपरिग्गहियाणि वा चन्दित्तप वा नमंसित्तप वा, पुविं
अणालत्तेणं आलवित्तप वा, संलवित्तप वा, तेसि असणं वा
पाणं वा खाइमं वा साइमं वा दाउं वा अणुपदाउं वा, नन्नत्थ
रायाभिओगेणं गणाभिओगेणं बलाभिओगेणं देवयाभि-
ओगेणं गुरुनिग्गहेणं वित्तिकन्तारेणं । कप्पइ मे समणे
निग्गन्थे फासुपणं पसणिज्जेणं असणपाणखाइमसाइमेणं
वत्थकम्बलपडिग्गहायपुञ्छणेणं पीढफलगसिज्जासंधार-
पणं ओसहमेसज्जेणं च पडिलामेमाणस्स विहरित्तप ” ।
त्ति कट्टु इमं पयारुवं अभिग्गहं अभिगिहइ, २ ता पसि-
णाइं पुच्छइ, २ ता अट्टाइं आदियइ, २ ता समणं भगवं
महावीरं तिकखुत्तो वन्दइ, २ ता समणस्स भगवओ महा-
वीरस्स अन्तियाओ दूइपलासाओ चेइयाओ पडिणिक्क-
मइ, २ ता जेणेव वाणियगामे नयरे, जेणेव सप गिहे, तेणेव
उवागच्छइ, २ ता सिवन्दं भारियं एवं वयासी-“ एवं

खलु, देवाणुप्पिया ! मप समणस्स भगवओ महावीरस्स अन्तिप धम्मे निसन्ते, से वि य धम्मे मे इच्छिप, पडिच्छिप, अभिरुइए; तं गच्छ णं तुमं, देवाणुप्पिया ! समणं भगवं महावीरं वन्दाहि जाव पज्जुवासाहि, समणस्स भगवओ महावीरस्स अन्तिप पञ्चाणुव्वइयं सत्तसिक्खावइयं दुवा-लसविहं गिहिधम्मं पडिवज्जाहि ॥ ५८ ॥

तप णं सा सिवनन्दा भारिया आणन्देणं समणोवासणं पवं वुत्ता समाणा हट्टतुट्टा कोडुम्बियपुरिसे सहावेइ, २ त्ता पवं वयासी-“ खिप्पामेव लहुकरणं” जाव पज्जुवासइ ॥ ५९ ॥

तप णं समणे भगवं महावीरे सिवनन्दाण तीसे य महइ जाव धम्मं कहेइ ॥ ६० ॥

तप णं सा सिवनन्दा समणस्स भगवओ महावीरस्स अन्तिप धम्मं सोच्चा निसम्म हट्ट जाव गिहिधम्मं पडिव-ज्जइ, २ त्ता तमेव धम्मियं जाणप्पवरं दुरुहइ, त्ता जामेव दिसिं पाउभूया, तामेव दिसिं पडिगया ॥ ६१ ॥

“ भन्ते ! ” त्ति भगवं गोयमे समणं भगवं महावीरं वन्दइ नभंसइ, २ त्ता पवं वयासी-“ पट्ट णं, भन्ते ! आणन्दे सम-णोवासप देवाणुप्पियाणं अन्तिप मुण्डे जाव पव्वइत्तप ? ”

“ नो इण्टे समट्टे । गोयमा ! आणन्दे णं समणोवासप बहइं वासाइं समणोवासगपरियागं पाउणिहिइ, २ त्ता जाव सोहम्मे कप्पे अरुणामे विमाणे देवत्ताप उववज्जिहिइ ” ।

तत्थ णं अत्थेगइयाणं देवाणं चत्तारि पलिओवमाइं ठिई पणत्ता । तत्थ णं आणन्दस्स वि समणोवासगस्स चत्तारि पलिओवमाइं ठिई पणत्ता ॥ ६२ ॥

तप णं समणे भगवं महावीरे अन्नया कयाइ बहिया
जाव विहरइ ॥ ६३ ॥

तप णं से आणन्दे समणोवासप जाप अभिगयजीवाजीवे
जाव पडिलामेमाणे विहरइ ॥ ६४ ॥

तप णं सा सिचनन्दा भारिया समणोवासिया जाया
जाव पडिलामेमाणी विहरइ ॥ ६५ ॥

तप णं तस्स आणन्दस्स समणोवासगस्स उच्चावपहिं
सीलव्वयगुणवेरमणपच्चक्खणपोसहोववासेहिं अप्पाणं भावे-
माणस्स चोइस संवच्छराइं वीइकन्ताइ । पण्णरसमस्स
संवच्छरस्स अन्तरा वट्टमाणस्स अन्नया कयाइ पुव्वरत्ता-
वरत्तकालसमयंसि धम्मजागरियं जागरमाणस्स इमेया-
रूवे अज्झत्थिप चिन्तिप मणोगप सङ्कप्पे समुप्पज्जित्था-
पवं खलु अहं वाणियगामे नयरे बहूणं राईसर जाव सयस्स
वि य णं कुडुम्भस्स जाव आधारे । तं पपणं विक्खेवेणं अहं
नो संचापमि समणस्स भगवओ महावीरस्स अन्तियं धम्म-
पण्णत्ति उवसंपज्जित्ताणं विहरित्तप । तं सेयं खलु ममं कल्लं
जाव जलन्ते विउलं असणं ४, जहा पूरणो, जाव जेट्टपुत्तं
कुडुम्भे ठवेत्ता, तं मित्त जाव जेट्टपुत्तं च आपुच्छित्ता,
कोल्लाप संनिवेसे नायकुलंसि पोसहसालं पडिलेहित्ता,
समणस्स भगवओ अन्तियं धम्मपण्णत्ति उवसंपज्जित्ताणं
विहरित्तप ॥ पवं संपेहेइ, २ ता कल्लं विउलं तहेव जिमि-
यभुत्तत्तरागप त मित्त जाव विउलेणं पुप्फ ५ सक्कारेइ
संमाणेइ, २ ता तस्सेव मित्त जाव पुरओ जेट्टपुत्तं सहा-
वेइ, २ ता पवं वयासी-“पवं खलु, पुत्ता ! अहं वाणिय-
गामे बहूण राईसर जहा चिन्तियं जाव विहरित्तप । तं सेयं

खलु मम इदंणि तुमं सयस्स कुडुम्बस्स आलम्बणं ष
ठवेत्ता जाव विहरित्तप ” ॥ ६६ ॥

तप णं जेट्टपुत्ते आणन्दस्स समणोवासगस्स “ तह ”
त्ति पयमहुं विणपणं पडिसुणेइ ॥ ६७ ॥

तप णं से आणन्दे समणोवासए तस्सेव मित्त जाव
पुरओ जेट्टपुत्तं कुडुम्बे ठवेइ, २ ता एवं वयासी- ‘ मा
णं देवाणुप्पिया ! तुम्मे अज्जपभिइ केइ मम बहसु
कज्जेसु जाव पुच्छह वा, पडिपुच्छह वा, ममं अट्ठाए असणं
वा ष उवक्खडेह उवकरेह वा ” ॥ ६८ ॥

तप णं से आणन्दे समणोवासए जेट्टपुत्तं मित्तनाइं आपु-
च्छइ, २ ता सयाओ गिहाओ पडिणिक्खमइ, २ ता वाणि-
यगामं नयरं मज्झमज्जेणं निग्गच्छइ. २ ता जेणेव कोल्लाए
संनिवेसे, जेणेव नायकुले, जेणेव पोसहसाला, तेणेव उवा-
गच्छइ, २ ता पोसहसालं पमज्जइ, २ ता उच्चारपासवण-
भूमि पडिलेहेइ, २ ता दम्भसंधारयं संधरइ, दम्भसंधारयं
दुरुहइ, २ ता पोसहसालाए पोसहिए दम्भसंधारोवगए
समणएव भगवओ महावीरस्स अन्तियं धम्मपणत्ति
उवसंपज्जित्ताणं विहरइ ॥ ६९ ॥

तप णं से आणन्दे समणोवासए उवासग पडिमाओ उव-
संपज्जित्ताणं विहरइ । पढमं उवासगपडिमं अट्ठासुत्तं अट्ठा-
क्कणं अट्ठामगं अट्ठातच्चं सम्मं कापणं फासेइ, पालेइ,
सोहेइ, तीरेइ, कित्तेइ, आराहेइ ॥ ७० ॥

तप णं से आणन्दे समणोवासए दोच्चं उवासगपडिमं
एवं तच्चं, चउत्थं, पच्चमं, छट्ठं, सत्तमं, अट्ठमं, नवमं, दसमं
पक्कारसमं जाव आराहेइ ॥ ७१ ॥

तप णं से आणन्दे समणोवासप इमेणं पयारूवेणं उरा-
लेणं विउलेणं पयत्तेणं पग्गहिपणं तवोकम्मेणं सुक्के जाव
किसे धमणिसंतप जाप ॥ ७२ ॥

तप णं तस्स आणन्दस्स समणोवासगस्स अन्नया कयाइ
पुव्वरत्ता जाव धम्मजागरियं जागरमाणस्स अयं अज्झ-
त्थिप ५-“ एवं खलु अहं इमेणं जाव धमणिसंतप जाप ।
तं अत्थि ता मे उट्टाणे कम्मे बले वीरिप पुरिसक्कारपरक्कमे
सद्धाधिइसंवेगे । तं जाव ता मे अत्थि उट्टाणे सद्धाधिइसं-
वेगे, जाव य मे धम्मायरिप धम्मोवपसप समणे भगवं
महावीरे जिणेसु हत्थी विहरइ, ताव ता मे सेयं कल्लं जाव
जलन्ते अपच्छिममारणन्तियसंलेहणाइसियस्स, भत्तपाण-
पडियाइक्खियस्स, कालं अणवकंस्रमाणस्स विहरित्तप” ।
एवं संपेहेइ, २ त्ता कल्लं पाउ जाव अपच्छिममारणन्तिय०
जाव कालं अणवकंस्रमाणे विहरइ ॥ ७३ ॥

तप णं तस्स आणन्दस्स समणोवासगस्स अन्नया कयाइ
सुभेणं अज्झवसाणेणं, सुभेणं परिणामेणं, लेसाहिं विमुज्झ-
माणीहिं, तयावरणिज्जाणं कम्माणं खओवसमेणं ओहिनाणे
समुप्पन्ने । पुरत्थिमेणं लवणसमुद्दे पञ्चजोयणसयाई खेसं
जाणइ पासइ, एवं दक्खिणेणं पच्चत्थिमेणं च । उत्तरेणं जाव
चुल्लहिमवन्तं वासधरपव्वयं जाणइ पासइ । उइढं जाव
सोहम्मं कप्पं जाणइ पासइ । अहे जाव इमीसे रयणप्पभाप
पुढवीप लोलुयच्चुयं नरयं चउरासीइवाससइस्सट्ठिरयं
जाणइ पासइ ॥ ७४ ॥

तेणं कालेणं तेणं समणं समणे भगवं महावीरे समो-
सरिप । परिसा निग्गया जाव पडिग्गया ७५ ॥

तेणं कालेणं तेणं समपणं समणस्स भगवओ महावीरस्स जेट्ठे अन्तेवासी इन्दभूर्हे नामं अणगारे गोयमगोत्ते णं सत्तु-स्सेहे, समचउरंससंठाणसंठिण. वज्जरिसहनारायसंघयणे, कणगपुलगनिघसपम्हगोरे, उग्गतवे, दित्ततवे, घोरतवे, महातवे, उराले, घोरगुणे, घोरतवस्सी. घोरबम्भचेरवासी, उच्छृढसरीरे, संखित्तविउलतेउलेसे, छट्टंछट्टेणं अणिक्खि-त्तेणं तवोकम्भेणं संजमेणं तवसा अप्पाणं भावेमाण विह-रइ ॥ ७६ ॥

तए णं से भगवं गोयमे छट्टकखमणपारणगंसि पढमाए पोरिसीए सज्जायं करेइ, विइयाए पोरिसीए ज्ञाणं श्रियाइ, तइयाए पोरिसीए अनुरियं अब्बलं असंभन्ते मुहपत्ति पडिलेहेइ, २ ता भायणवत्थाइं पडिलेहेइ, २ ता भायणव-त्थाइं पमज्जइ, २ ता भायणाइं उग्गाहेइ, २ ता जेणेव समणे भगवं महावीरे, तेणेव उवागच्छइ, २ ता समणं भगवं महावीरं वन्दइ नमंसइ, २ ता पवं वयासी-“इच्छामि णं भन्ते ! तुम्हेहि अब्भणुण्णाए छट्टकखमणस्स पारणगंसि वाणि-यगामे नयरे उच्चनीयमज्झिमाइं कुलाइ घरसमुदाणस्स भिक्खायरियाए अडित्तए ” । “ अहासुहं, देवाणुप्पिया ! मा पडिबन्धं करेह ” ॥ ७७ ॥

तए णं भगवं गोयमे समणेणं भगवया महावीरेण अब्भ-णुण्णाए समणे समणस्स भगवओ महावीरस्स अन्तियाओ दूरपलासाओ चेइयाओ पडिणिक्खमइ, २ ता अनुरियमच-च्चलमसंभन्ते जुगन्तरपरिलोयणाए दिट्ठीए पुरओ इरियं सोहेमाणे, जेणेव वाणियगामे नयरे, तेणेव उवागच्छइ, २ ता वाणियगामे नयरे उच्चनीयमज्झिमाइं कुलाइ घरसमुदाणस्स भिक्खायरियाए अइइ ॥ ७८ ॥

तत्र णं से भगवं गोयमे वाणियगामे नयरे, जहा पण्ण-
त्तीप तहा, जाव भिक्खायरियाप अडमाणे अहापज्जत्तं भत्त-
पाणं सम्मं पडिग्गाहेइ, २ ता वाणियगामाओ पडिणिग्ग-
च्छइ, २ ता कोल्लायस्स संनिवेसस्स अदूरसामन्तेणं वीई-
वयमाणे, बहुजणसहं निसामेइ । बहुजणो अन्नमन्नस्स एव-
माइक्खइ ४-“ एवं खलु, देवाणुप्पिया ! समणस्स भगवओ
अन्तेवासी, आणन्दे नामं समणोवासप पोसहसालाप अप-
च्छिम जाव अणवकंसमाणे विहरइ ” ॥ ७९ ॥

तत्र णं तस्स गोयमस्स बहुजणस्स अन्तिप एयं सोच्चा
निसग्ग अयमेयारूवे अज्झत्थिप ४-“ तं गच्छामि णं,
आणन्दं समणोवासयं पासामि ” । एवं संपेहेइ, २ ता जेणेव
कोल्लाप संनिवेसे, जेणेव आणन्दे समणोवासप, जेणेव
पोसहसाला, तेणेव उवागच्छइ ॥ ८० ॥

तत्र णं से आणन्दे समणोवासप भगवं गोयमं पज्जमाणं
पासइ, २ ता हट्ठ जाव हियप भगवं गोयमं वन्दइ नमंसइ,
२ ता एवं वयासी-“ एवं खलु, भन्ते ! अहं इमेणं उरालेणं जाव
धम्मणिसंतप जाप, न संचाणमि देवाणुप्पियस्स अन्तियं पाउ-
अवित्ताणं तिक्खुत्तो मुद्दाणेणं पाप अभिवन्दित्तप । तुष्मे णं,
भन्ते ! इच्छक्कारेणं अभिओपणं इओ चेव पट्ट. जा णं देवाणु-
प्पियाणं तिक्खुत्तो मुद्दाणेणं पापसु वन्दामि नमंसामि ” ॥ ८१ ॥

तत्र णं से भगवं गोयमे, जेणेव आणन्दे समणोवासप,
तेणेव उवागच्छइ ॥ ८२ ॥

तत्र णं से आणन्दे समणोवासप भगवओ गोयमस्स
तिक्खुत्तो मुद्दाणेणं पापसु वन्दइ नमंसइ २ ता एवं वयासी-
“ अत्थि णं, भन्ते ! गिहिणो गिहिमज्जावसन्तस्स ओहि-
नाणे णं समुप्पज्जइ ? ”

“इन्ता, अत्थि” ।

“जइ णं, भन्ते ! गिहिणो जाव समुप्पज्जइ, एवं खलु, भन्ते ! मम वि गिहिणो गिहिमज्झा वसन्तस्स ओद्धिनाणे समुप्पन्ने । पुरत्थिमेणं लवणसमुद्दे पञ्चजोयणसयाहं जाव लोलुयच्चुयं नरयं जाणामि पासामि” ॥ ८३ ॥

तए णं से भगवं गोयमे आणन्दं समणोवासयं एवं वयासी—“अत्थि णं आणन्दा ! गिहिणो जाव समुप्पज्जइ । नो चेव णं एमहालए । तं णं तुमं, आणन्दा ! पयस्स ठाणस्स आलोपहि जाव तवोकम्मं पडिवज्जहि” ॥ ८४ ॥

तए णं से आणन्दे भगवं गोयमं एवं वयासी—“अत्थि णं, भन्ते ! जिणवयणे सन्ताणं तच्च्चाणं तहियाणं सम्भूयाणं भावाणं आलोइज्जइ जाव पडिवज्जिज्जइ ?”

“नो इणट्ठे समट्ठे” ।

“जइ णं, भन्ते ! जिणवयणे सन्ताणं जाव भावाणं नो आलोइज्जइ जाव तवोकम्मं नो पडिवज्जिज्जइ, तं णं, भन्ते ! तुम्हे चेव पयस्स ठाणस्स आलोपह जाव पडिवज्जइ” ॥ ८५ ॥

तए णं से भगवं गोयमे आणन्देणं समणोवासएणं एवं बुत्ते समाणे, संकिए कंखिए विइगिच्छासमावन्ने आणन्दस्स अन्तियाओ पडिणिकखमइ, २ ता जेणेव दूइपलासे चेइए, जेणेव समणे भगवं महावीरे, तेणेव उवागच्छइ, २ ता समणस्स भगवओ महावीरस्स अदूरसामन्ते गमणागमणाए पडिक्कमइ, २ ता पसणमणेसणं आलोपइ, २ ता भत्तपाणं पडिदंसेइ, २ ता समणं भगवं वन्दइ नमंसइ, २ ता एवं वयासी—“एवं खलु, भन्ते ! अहं तुम्हेहिं अब्भणुण्णाए तं

चेव सव्वं कहेइ जाव । तप णं अहं संकिप ३ आणन्दस्स समणोवासगस्स अन्तियाओ पडिणिक्खमामि, २ ता जेणेव इहं तेणेव हव्वमागप । तं णं, भन्ते ! किं आणन्देणं समणो-वासपणं तस्स ठाणस्स आलोपयव्वं जाव पडिवज्जेयव्वं, उदाहु मप ? ”

“गोयमा !” इ समणे भगवं महावीरे भगवं गोयमं पवं वयासी-“गोयमा ! तुमं चेव णं तस्स ठाणस्स आलो-पहि जाव पडिवज्जाहि, आणन्दं च समणोवासयं पयमहुं खामेहि” ॥८६॥

तप णं से भगवं गोयमे समणस्स भगवओ महावी-रस्स “तह” त्ति पयमहुं विणणणं पडिसुणेइ, २ ता तस्स ठाणस्स आलोपइ जाव पडिवज्जइ, आणन्दं च समणोवा-सयं पयमहुं खामेइ ॥८७॥

तप णं समणे भगवं महावीरे अन्नया कयाइ वहिया जणवयविहारं विहरइ ॥८८॥

तप णं से आणन्दे समणोवासप बह्वहिं सीलव्वपहिं जाव अप्पाणं भावेत्ता, वीसं वासाइं समणोवासगपरियागं पाउणित्ता, एक्कारस य उवासगपडिमाओ सम्मं काएणं फासित्ता, मासियाप संलेहणाप अत्ताणं झूसित्ता, सट्ठिं भत्ताइं अणसणाप छेदेत्ता, आलोइयपडिक्कन्ते, समाहिपत्ते, कालमासे कालं किच्चा, सोहम्मि कप्पे सोहम्मवडिसगस्स महाविमाणस्स उत्तरपुरत्थिमेणं अरुणे विमाणे देवत्ताप उववन्ने । तत्थ णं अत्थेगइयाणं देवाणं चत्तारि पलिओ-वमाइं ठिईं पण्णत्ता । तत्थ णं आणन्दस्स वि देवस्स चत्तारि पलिओवमाइं ठिईं पण्णत्ता ॥८९॥

“आणन्दे णं, भन्ते ! देवे ताओ देवलोगाओ आउ-
कखणं २ अणन्तरं चयं चइत्ता, कहिं गच्छिहिइ, कहिं
उववज्जिहिइ ?” ।

“गोयमा ! महाविदेहे वासे सिज्झिहिइ” ॥९०॥

॥ निक्खेवो ॥

॥ पढमं आणन्दज्झयणं समत्तं ॥

बीये कामदेवे अज्झयणे

॥ उक्खेवो ॥

जइ णं, भन्ते ! समणेणं भगवया महावीरेणं जाव
संपत्तेणं सत्तमस्स अङ्गस्स उवासगदसाणं पढमस्स अज्झ-
यणस्स अयमट्ठे पण्णत्ते, दोच्चस्स णं, भन्ते ! अज्झयणस्स
के अट्ठे पण्णत्ते ? ॥९१॥

पयं खल्लु, जम्बू ! तेणं कालेणं तेणं समपणं चम्पा
नामं नयरी होत्था । पुण्णभदे चेइए । जियसत्तू राया ।
कामदेवे गाहावई । भदा भारिया । छ हिरण्णकोडोओ
निहाणपउत्ताओ, छ वह्निपउत्ताओ, छ पवित्थरपउत्ताओ,
छ वया दसगोसाहस्सिपणं वपणं । समोसरणं । जहा
आणन्दे तहा निग्गए । तहेव सात्रयधम्मं पडिबज्जइ । सा
चेव वत्तव्वया जाव जेठुपुत्तं मित्तनाई आपुच्छित्ता, जेणेव
पोसहसाला, तेणेव उवागच्छइ, २ ता जहा आणन्दे
जाव समणस्स भगवओ महावीरस्स अन्तियं धम्मपण्णत्ति
उवसंपज्जित्ताणं विहरइ ॥९२॥

तए णं तस्स कामदेवस्स समणोवासगस्स पुव्वरत्ता-
वरत्तकालसमयंसि एगे देवे मायी मिच्छदिट्ठी अन्तियं
पाउब्भूए ॥९३॥

तए णं से देवे एगं महं पिसायरूवं विउव्वइ । तस्स णं देवस्स पिसायरूवस्स इमे पयारूवे वण्णावासे पण्णत्ते—
 सीसं से गोकिलञ्जसंठाणसंठियं, सालिभसेल्लसरिसा से केसा कविलतेपणं विप्पमाणा, महल्लउट्टियाकभल्लसंठाणसंठियं निडालं, मुंगुसपुंछं व तस्स भुमगाओ फुग्गफुग्गाओ विगयबीभच्छदंसणाओ, सीसघडिविणिग्गयाइं अच्छीणि विगयबीभच्छदंसणाइं, कण्णा जहा सुप्पकत्तरं चेव विगयबीभच्छदंसणिज्जा, उरंभपुडसंनिभा से नासा, झुसिरा जमलचुल्लोसंठाणसंठिया दो वि तस्स नासापुडया, घोडयपुंछं व तस्स मंसूइं कविलकविलाइं विगयबीभच्छदंसणाइं, उट्टा उट्टस्स चेव लम्बा, फालसरिसा से दन्ता, जिम्भा जह सुप्पकत्तरं चेव विगयबीभच्छदंसणिज्जा, हलकुडालसंठिया से हणुया, गल्लकडिल्लं च तस्स खइडं फुट्टं कविलं फरुसं महल्लं, मुइङ्गाकारोवमे से खन्धे, पुरवरकवाडोवमे से वच्छे, कोट्टियासंठाणसंठिया दो वि तस्स बाहा, निसापहाणसंठाणसंठिया दो वि तस्स अग्गहत्था, निसालोढसंठाणसंठियाओ हत्थेसु अङ्गुलीओ, सिप्पिपुडगसंठिया से नक्खा, ण्हावियपसेवओ व्व उरंसि लम्बन्ति दो वि तस्स थणया, पोट्टं अयकोट्टओ व्व वट्टं, पाणकलन्दसरिसा से नाही, सिक्कगसंठाणसंठिए से नेत्ते, किण्णपुडसंठाणसंठिया दो वि तस्स वसणा, जमलकोट्टियासंठाणसंठिया दो वि तस्स ऊरू, अज्जुणगुट्टं व तस्स जाणूइं कुडिलकुडिलाइं विगयबीभच्छदंसणाइं, जंघाओ कक्खडीओ लोमेहिं उवच्चियाओ, अहरीसंठाणसंठिया दो वि तस्स पाया, अहरीलोढसंठाणसंठियाओ पाप्सु अङ्गुलीओ, सिप्पिपुडसंठिया से नक्खा ॥९४॥

लडहमडहजाणुप विगयभग्गभुग्गभुमप अवदालियव-
 थणविवरनिलालियग्गजीहे सरडकयमालियाप उन्दुरमाला-
 परिणद्धसुकयचिथे, नडलकयकण्णपूरे, सप्पकयवेगच्छे,
 अप्फांडन्ते, अभिग्गज्जन्ते, भोममुक्कट्टट्टहासे, नाणाविहप-
 ञ्चवण्णेहि लोमेहि उवचिप णं महं नीलुप्पलगवलगुलिय-
 अयसिकुसुमप्पगासं असि खुरधारं गहाय, जेणेव पोसह-
 साला, जेणेव कामदेवे समणोवासप, तेणेव उवागच्छइ,
 २ ता आसुरत्ते रुट्टे कुविप चण्डिकिरुप मिसिमिनायमाणे
 कामदेवं समणोवासयं एवं वयासो-“हं भो ! कामदेवा !
 समणोवासया ! अप्पत्थियपत्थिया ! दुरन्तपन्तलक्खणा !
 डीणपुण्णचाउडसिया ! हिरिसिरिघिर्हकित्तिपरिवज्जिया !
 धम्मपुण्णसग्गमोक्खकामया ! धम्मकंखिया ! ५, धम्मपि-
 वासिया ! ५, नो खलु कप्पइ तव, देवाणुप्पिया !
 जं सीलाइं वयाइं वेरमणाइं पच्चक्खाणाइं पोसहोववासाइं
 चालित्तप वा खोभित्तप वा खण्डित्तप वा भञ्जित्तप वा
 उज्झित्तप वा परिच्चइत्तप वा, तं जइ णं तुमं अज्ज सीलाइं
 जाव पोसहोववासाइं न छड्डसि न भज्जेसि, तो ते अहं
 अज्ज इमेणं नीलुप्पल जाव असिणा खण्डाखण्डि करेमि,
 जहा णं तुमं, देवाणुप्पिया ! अट्टदुहट्टवसट्टं अकाले चेव
 जीवियाओ ववरोविज्जसि ॥९५॥

तप णं से कामदेवे समणोवासप तेणं देवेणं पिसा-
 यरूवेणं एवं बुत्ते समाणे, अभीण अतत्थे अणुविग्गे अक्खु-
 भिय अत्रलिय असंभन्ते तुसिणोप धम्मज्झाणोवगप
 विहरइ ॥९६॥

तप णं से देवे पिसायरूवे कामदेवं समणोवासयं
 अभीयं जाव धम्मज्झाणोवगयं विहरमाणं पालइ, २ ता

दोच्चं पि तच्चं पि कामदेवं एवं वयासी-“हं भो ! कामदेवा ! समणोवासया ! अपत्थियपत्थिया ! जइ णं तुमं अज्ज जाव ववरोविज्जसि” ॥१७॥

तए णं से कामदेवे समणोवासए तेणं देवेणं दोच्चं पि तच्चं पि एवं बुत्ते समाणे, अभीए जाव धम्मज्झाणोव-
गए विहरइ ॥१८॥

तए णं से देवे पिसायरूवे कामदेवं समणोवासयं अभीयं जाव विहरमाणं पासइ, २ ता आसुरत्ते^५ तिवलियं भिउडिं निडाले सहइट्ठु. कामदेवं समणोवासयं नीलुप्पल जाव असिणा खण्डाखण्डि करेइ ॥१९॥

तए णं से कामदेवे समणोवासए तं उज्जलं जाव दुर-
हियासं वेयणं सम्मं सहइ जाव अहियासेइ ॥२०॥

तए णं से देवे पिसायरूवे कामदेवं समणोवासयं अभीयं जाव विहरमाणं पासइ, २ ता जाहे नो संचापइ कामदेवं समणोवासयं निग्गन्थाओ पावयणाओ चालित्तए वा खोभित्तए वा विपरिणामित्तए वा, ताहे सन्ते तन्ते परितन्ते सणियं सणियं पच्चोसक्कइ, २ ता पोसहसालाओ पडिणिक्खमइ, २ ता दिव्वं पिसायरूवं विप्पजइ, २ ता एणं महं दिव्वं हत्थिरूवं विउव्वइ—सत्तङ्गपइट्ठियं सम्मं संठियं सुजायं, पुरओ उदग्गं पिट्ठओ वाराहं अयाकुच्चिं अलम्ब-
कुच्चिं पलम्बलम्बोदराधरकरं अब्भुग्गयमउलमल्लियाविम-
लधवलदन्तं कञ्चणकोसीपविट्ठदन्तं आणामियचावल्लिय-
संवल्लियग्गसोण्डं कुम्मपडिपुण्णचलणं वीसइनक्खं अल्ली-
णपमाणजुत्तपुच्छं ॥२०१॥

मत्तं मेहमिव गुलगुलेन्तं मणपवणजइणवेगं दिव्वं हत्थि-
रूवं विउव्वइ, २ ता जेणेव पोसहसाला जेणेव कामदेवे

समणोवासप तेणेव उवागच्छइ, २त्ता कामदेवं समणोवा-
सयं एवं वयासी-“हं भो ! कामदेवा ! समणोवासया !
तहेव भणइ जाव न भज्जेसि, तो ते अज्ज अहं सोण्डाप
गिण्हामि, २त्ता पोसाहसालाओ नीणेमि, २त्ता उइहं वेहासं
उव्विहामि, २त्ता तिक्खेहिं दन्तमुसलेहिं पडिच्छामि, २त्ता
अहं धरणितलंसि तिक्खुत्तो पाणसु लोलेमि, जहा णं तुमं
अट्टुदुहट्टवसट्टे अकाले चेव जीवियाओ ववरोविज्जसि” ॥१०२॥

तप णं से कामदेवे समणोवासप तेणं देवेणं हत्थिरूवेणं
पवं वुत्ते समाणे, अभीप जाव विहरइ ॥१०३॥

तप णं से देवे हत्थिरूवे कामदेवं समणोवासयं अभीयं
जाव विहरमाणं पासइ, २ त्ता दोच्चं पि तच्चं पि काम-
देवं समणोवासयं एवं वायसी-“हं भो ! कामदेवा !”
तहेव जाव सो वि विहरइ ॥१०४॥

तप णं से देवे हत्थिरूवे कामदेवं समणोवासयं अभीयं
जाव विहरमाणं पासइ, २ त्ता आसुरत्ते ४. कामदेवं सम-
णोवासयं सोण्डाप गिण्हेइ, उइहं वेहासं उव्विहइ, २ त्ता
तिक्खेहिं दन्तमुसलेहिं पडिच्छइ, २ त्ता अहे धरणितलंसि
तिक्खुत्तो पाणसु लोलेइ ॥१०५॥

तप णं से कामदेवे समणोवासप तं उज्जलं जाव अहि-
यासेइ ॥१०६॥

तप णं से देवे हत्थिरूवे कामदेवं समणोवासयं जाहे
नो संचापइ जाव सणियं सणियं पच्चोसक्कइ, २ त्ता
पोसहसालाओ पडिणिक्खमइ, २ त्ता दिव्वं हत्थिरूवं विप्प-
जहइ, २ त्ता पगं महं दिव्वं सप्परूवं विउव्वइ उग्गविसं
चण्डविसं घोरविसं महाकायं मसीमूसाकालगं नयणविसरो-
सपुण्णं अज्जणपुज्जनिगरप्पगासं रत्तच्छं लोहियलोयणं जमल-

जुयलच्चञ्चलजीहं धरणीयलवेणिभूयं उक्कडफुडकुडिलज-
डिलकक्कसवियडफडाडोवकरणदच्छं ॥ १०७ ॥

लोहागरधम्ममाणधमधमेन्तघोसं अणागलियतिच्च-
चण्डरोसं सप्परूवं विउव्वइ, २ ता जेणेव पोसहसाला
जेणेव कामदेवे समणोवासण, तेणेव उवागच्छइ, ३ ता काम-
देवं समणोवासयं एवं वयासी-“हं भो ! कामदेवा ! सम-
णोवासया ! जाव न भज्जेसि तो ते अज्जेव अहं सर-
सरस्स कायं दुरुहामि, २ ता पच्छिमेषं भाणं तिक्खुत्तो
गीवं वेढेमि, २ ता तिक्खाहिं विसपरिगयाहिं दाढाहिं
उरंसि चेव निकुट्टेमि, जहा णं तुमं अट्टदुहट्टवसट्टे अकाले
चेव जीवियाओ ववरोच्चिज्जसि” ॥ १०८ ॥

तण णं से कामदेवे समणोवासण तेणं देवेणं सप्परूवेणं
एवं बुत्ते समणे, अभीण जाव विहरइ । सो वि दोच्चं
पि तच्चं पि भणइ, कामदेवो वि जाव विहरइ ॥ १०९ ॥

तण णं से देवे सप्परूवे कामदेवं समणोवासयं अभीयं
जाव पासइ, २ ता आसुरत्ते ४ कामदेवस्स सरसरस्स कायं
दुरुहइ, २ ता पच्छिमभाणं तिक्खुत्तो गीवं वेढेइ, २ ता
तिक्खाहिं विसपरिगयाहिं दाढाहिं उरंसि चेव निकुट्टेइ ॥ ११० ॥

तण णं से कामदेवे समणोवासण तं उज्जलं जाव
अहियासेइ ॥ १११ ॥

तण णं से देवे सप्परूवे कामदेवं समणोवासयं अभीयं
जाव पासइ, २ ता जाहे नो संचाणइ कामदेवं समणोवा-
सयं निग्गन्थाओ पावयणाओ चालित्तण वा खोभित्तण वा
धिपरिणामित्तण वा ताहे सन्ते ३ सणियं सणियं पक्खो-
सक्कइ, २ ता पोसहसालाओ पडिणिक्खमइ, २ ता दिव्वं
सप्परूवं विप्पजहइ, २ ता पणं महं दिव्वं देवरूवं विउव्वइ,

हारविराइयवरुं जाव वसदिसाभो उज्जोवेमाणं पभासे-
माणं पासाईयं दरिसणिज्जं अभिरुवं पडिरुवं ॥ ११२ ॥

दिव्वं देवरुवं विउव्वइ, २ ता कामदेवस्स समणोवा-
सयस्म पोसहसालं अणुपविसइ, २ ता अन्तलिक्खपडि-
वन्ने सखिखिणियाइं पञ्चवण्णाइं वत्थाइं पवरपरिहिए
कामदेवं समणोवासयं एवं वयासी—“हं भो ! कामदेवा !
समणोवासया ! धन्ने सि णं तुमं देवाणुप्पिया ! संपुण्णे
कयत्थे कयलक्खणे, सुलद्धे णं तव, देवाणुप्पिया ! माणु-
स्सए जम्मर्जावियफले, जस्स णं तव निग्गन्थे पावयणे
इमेयारूवा पडिवत्ता लद्धा पत्ता अभिसमन्नागया । एवं
खलु, देवाणुप्पिया ! सक्के देविन्दे देवराया जाव सक्कंसि
सीहासणंसि चउरासीए सामाणियसाहस्सीणं जाव
अन्नेसि च वहुणं देवाण य देवीण य मज्झगए पवमा-
इक्खइ ४—“एवं खलु, देवा ! जम्बुद्दीवे दीवे भारहे वासे
चम्पाए नयरीए कामदेवे समणोवासए पोसहसालाए पोस-
हिए चम्भचारो जाव दम्भसंथारोवगए समणस्स भगवओ
महावीरस्स अन्तियं धम्मपण्णत्ति उवसंपज्जित्ताणं विह-
रइ । नो खलु से सक्का केणइ देवेण वा दाणवेण वा जाव
गन्धव्वेण वा निग्गन्थाओ पावयणाओ चालित्तए वा खोभि-
त्तए वा विपरिणामित्तए वा” । तए णं अहं सक्कस्स देवि-
न्दस्स देवरणो पयमट्ठं असद्दहमाणे ३ इहं हव्वमागए ।
तं अहो ! णं, देवाणुप्पिया ! इइढी ६ लद्धा ३, तं दिट्ठा णं,
देवाणुप्पिया ! इइढी जाव अभिसमन्नागया । तं खामेमि णं
देवाणुप्पिया !, खमन्तु मं, खन्तुमरहन्ति णं, देवाणुप्पिया,
नाइं भुज्जो करणयाए” त्ति कट्ठु पायवडिए पञ्जलिउडे
पयमट्ठं भुज्जो भुज्जो खामेइ, २ ता जामेव दिसि पाउव्वभूए,
तामेव दिसि पडिगए ॥ ११३ ॥

तप णं से कामदेवे समणोवासप 'निरुवसग्गं' इति कट्टु पडिमं पारेइ ॥ ११४ ॥

तेणं कालेणं तेणं समणं समणे भगवं महावीरे जाव विहरइ ॥११५॥

तप णं से कामदेवे समणोवासप इमीसे कहाप लद्धे समाणे 'एवं खलु समणे भगवं महावीरे जाव विहरइ, तं सेयं खलु मम समणं भगवं महावीरं वन्दिता नमंसित्ता तओ पडिणियत्तस्स पोसहं पारित्तप' त्ति कट्टु एवं संपे-
हेइ, २ ता सुद्धप्पावेसाई वत्थाई जाव अप्पमहग्घ जाव मणुस्सवग्गुरापारिक्खित्ते सयाओ गिहाओ पडिणिक्खमइ, २ ता च चम्पं नयरिं मज्झमज्झेणं निग्गच्छइ, २ ता जेणेव पुण्णभद्दे खेइप जहा संखो जाव पज्जुवासइ ॥११६॥

तप णं समणे भगवं महावीरे कामदेवस्स समणोवा-
सयस्स तीसे य जाव धम्मकहा सम्मत्ता ॥११७॥

“कामदेवा !” इ समणे भगवं महावीरे कामदेवं सम-
णोवासयं एवं वयासी—“से नूणं, कामदेवा ! तुव्भं पुव्व-
रत्तावरत्तकालसमयंसि पगे देवे अन्तिप पाउब्भूप । तप
णं से देवे एगं महं दिव्वं पिसायरूवं विउव्वइ, २ ता आसु-
रत्ते ४ एगं महं नीलुप्पल जाव असि गहाय तुमं एवं
वयासी—“हं भो ! कामदेवा ! जाव जीवियाओ ववरो-
विज्जसि” । तं तुमं तेणं देवेणं एवं वुत्ते समाणे अभीप जाव
विहरसि” । एवं वण्णगरहिया तिण्णि वि उवसग्गा तहेव
पडिउच्चारैयव्वा जाव देवो पडिगओ । “से नूणं, काम-
देवा ! अट्ठे समट्ठे” ? “ इन्ता अत्थि” ॥११८॥

“अज्जो !” इ समणे भगवं महावीरे बह्वे समणे निग्गन्थे
य निग्गन्थीओ य आमन्तेत्ता एवं वयासी—“जइ ताव,

अज्ज्ञो ! समणोवासगा गिहिणो गिहिमज्झा वसंता दिव्व-
माणुसतिरिक्खजोणिए उवसग्गे सम्मं सहन्ति जाव अहि-
यासेन्ति, सक्का पुणाई, अज्ज्ञो ! समणेहिं निग्गन्थेहिं
दुवालसङ्गं गणिपिडगं अहिज्जमाणेहिं दिव्वमाणुसतिरिक्ख-
जोणिए उवसग्गे सम्मं सहित्तए जाव अहियासित्तए” ॥११९॥

तओ ते बहवे समणा निग्गन्था य निग्गन्थीओ य
समणस्स भगवओ महावीरस्स “तह” त्ति अेयमट्ठं विण-
एणं पडिसुणेन्ति ॥१२०॥

तए णं से कामदेवे समणोवासए हट्ठ जाव समणं
भगवं महावीरं पसिणाई पुच्छइ, अट्ठमादियइ, समणं भगवं
महावीरं तिक्खुत्तो वन्दइ नमंसइ, २ त्ता जामेव दिसि पाउ-
ब्भूए तामेव दिसि पडिगए ॥१२१॥

तए णं समणे भगवं महावीरे अन्नया कयाइ चम्पाओ
पडिणिक्खमइ, २ त्ता बहिया जणवयविहारं विहरइ ॥१२२॥

तए णं से कामदेवे समणोवासए पढमं उवासगपडिमं
उवसंपज्जित्ताणं विहरइ ॥१२३॥

तए णं से कामदेवे समणोवासए बह्विं जाव भावेत्ता
वीसं वासाई समणोवासगपरियागं पाउणित्ता, एक्कारस
उवासगपडिमाओ सम्मं काएणं फासेत्ता, मासियाए संले-
हणाए अप्पाणं झूसित्ता, सट्ठि भत्ताई अणसणाए छेदेत्ता,
आलोइयपडिक्कन्ते, समाहिपत्ते, कालमासे कालं किच्चा,
सोहम्मं कप्पे सोहम्मवडिसयस्स महाविमाणस्स उत्तरपुर-
त्थिमेणं अरुणाभे विमाणे देवत्ताए उववन्ने । तत्थ णं अत्थे-
गइयाणं देवाणं चत्तारि पलिओवमाई ठिई पण्णत्ता । काम-
देवस्स वि देवस्स चत्तारि पलिओवमाई ठिई पण्णत्ता
॥१२४॥

“से णं, भन्ते ! कामदेवे ताओ देवलोगाओ आउक्खपणं भवक्खपणं ठिइक्खपणं अणन्तरं चयं चइत्ता, कर्हिं गमिहिइ, कर्हिं उववज्जिहिइ ?”

“गोयमा, महाविदेहे वासे विज्जिहिइ” ॥१२५॥

॥ निक्खेवो ॥

॥ वीयं कामदेवञ्जयणं समत्तं ॥

तइये चुलणीपियञ्जयणे

॥ उक्खेवो ॥

एवं खलु, जम्बू ! तेणं कालेणं तेणं समपणं वाणारसी नामं नयरी । कोट्टप चइए । जियसत्तू राया ॥१२६॥

तत्थ णं वाणारसीए नयरीए चुलणीपिया नामं गाहावई परिवसइ अइहे जाव अपरिभूए । सामा भारिया । अट्ट हिरण्णकोडीओ निहाणपउत्ताओ, अट्ट वड्ढिठपउत्ताओ, अट्ट पवित्थरपउत्ताओ, अट्ट घया दनगोसाहस्सिपणं वणं । जहा आणन्दो राईसर जाव सब्बकउत्तवड्ढावण यावि होत्था । सामो समोसहे । परिस्ता निग्गया । चुलणीपिया वि जहा आणन्दो तहा निग्गओ । तहेव गिहिधमं पडियउत्तइ । गोयमपुच्छा । तहेव सेसं जहा कामदेवस्स जाव पोसहसालाप पोसहिप वम्भचारी समणस्स भगवओ महावीरस्स अन्तियं धम्मपण्णत्ति उवसंपज्जित्ताणं विहरइ ॥१२७॥

तए णं तस्स चुलणीपियस्स समणोवासयस्स पुंवरत्तावरत्तकालवमयंवि एगे देवे अन्तियं पाउम्भूए ॥ १२८॥

तए ण से देवे एणं नीलुप्पल जाव अस्सि गहाय चुलणीपियं समणोवासयं एवं वयासी—“हं भो ! चुलणीपिया ! समणोवासया ! जहा कामदेवो जाव न भञ्जेसि, तो ते

तइये चुलणीपियज्झयणे

३१

अह अज्ज जेहुं पुत्तं साओ गिहाओ नीणेमि, २ ता
अग्गओ घापमि, २ ता तओ मंससोल्ले करेमि, २ ता
आदाणभरियंसि कडाहयंसि अहहेमि, २ ता तव गायं मंसेण
य सोणिपण य आयञ्चामि, जहा णं तुमं अट्टुदुद्वट्टवसट्टे
अकाले चेव जीवियाओ ववरोदिज्जसि” ॥१२९॥

तए ण से चुलणीपिया समणोवासए तेणं देवेणं एवं
बुत्ते समाणे अभीए जाव विहरइ ॥१३०॥

तए णं से देवे चुलणीपियं समणोवासयं अभीयं जाव
पासइ, २ ता दोच्चं पि तच्चं पि चुलणीपियं समणोवासयं
एवं वयासी—“हं भो ! चुलणीपिया ! समणोवासया !”
तं चेव भणइ, जाव विहरइ ॥१३१॥

तए णं से देवे चुलणीपियं समणोवासयं अभीयं जाव
पासित्ता आसुरत्ते ४ चुलणीपियस्स समणोवासयस्य जेहुं
पुत्तं गिहाओ नीणेइ, २ ता अग्गओ घापइ, २ ता तओ
मंससोल्लए करेइ, २ ता आदाणभरियंसि कडाहयंसि
अहहेइ, २ ता चुलणीपियस्स समणोवासयस्स गायं मंसेण
य सोणिपण य आयञ्चइ ॥१३२॥

तए णं से चुलणीपिया समणोवासए तं उज्जलं जाव
अहियासेइ ॥१३३॥

तए णं से देवे चुलणीपियं समणोवासयं अभीयं जाव
पासइ, २ ता दोच्चं पि चुलणीपियं समणोवासयं एवं
वयासी—“हं भो ! चुलणीपिया ! समणोवासया ! अप-
त्थियपत्थिया ! जाव न भञ्जसि, तो ते अहं अज्ज मज्झिमं
पुत्तं साओ गिहाओ नीणेमि, २ ता तव अग्गओ घापमि”
जहा जेहुं पुत्तं तहेव भणइ, तहेव करेइ । एवं तच्चं पि
कणीयसं जाव अहियासेइ ॥१३४॥

तए णं से देवे चुलणीपियं समणोवासयं अभीयं जाव
पासइ, २ ता चउत्थं पि चुलणीपियं समणोवासयं एवं

वयासो--“हं भो ! चुलणीपिया ! समणोवासया ! अरत्थियपत्थिया ! ४ जइ णं तुमं जाव न भञ्जसि, तओ अहं अज्ज जा इमा तव माया भद्दा सत्थवाही देवयगुरुजणणी दुक्करदुक्करकारिया, तं ते साओ गिहाओ नीणेमि, २ ता तव अग्गओ घापमि, २ ता तओ मंससोल्लप करेमि, २ ता आदाणभरियंसि कडाहर्यंसि अहहेमि, २ ता तव गायं मंसेण य सोणिपण य आयञ्चामि, जहा णं तुमं अट्टदुहट्टवसट्टे अकाले वेव जीवियाओ ववरोविज्जसि” ॥१३५॥

तप णं से चुलणीपिया समणोवासप तेणं देवेणं पवं वुत्ते समाणे अभीप जाव विहरइ ॥१३६॥

तप णं से देवे चुलणीपियं समणोवासयं अभीयं जाव विहरमाणं पासइ, २ ता चुलणीपियं समणोवासयं दोच्चं पि तच्चं पि पवं वयासो--हं भो ! चुलणीपिया ! समणोवासया ! तहेव जाव ववरोविज्जसि” ॥१३७॥

तप णं तस्स चुलणीपियस्स समणोवासयस्स तेणं देवेणं दोच्चं पि तच्चं पि पवं वुत्तस्स समाणस्स इमेयारूवे अज्जत्थिए ५--“अहो णं इमे पुरिसे अणारिए अणारियबुद्धी अणारियाइं पावाइं कम्माइं समायरइ, जेणं ममं जेट्टं पुत्तं साओ गिहाओ नीणेइ, २ ता मम अग्गओ घापइ, २ ता जहा कयं तहा चिन्तेइ जाव गायं आयञ्चइ, जेणं ममं मज्झिमं पुत्तं साओ गिहाओ जाव सोणिपण य आयञ्चइ, जेणं ममं कणीयसं पुत्तं साओ गिहाओ तहेव जाव आयञ्चइ, जा वि य णं इमा ममं माया भद्दा सत्थवाही देवयगुरुजणणी दुक्करदुक्करकारिया, तं पि य णं इच्छइ साओ गिहाओ नीणेत्ता मम अग्गओ घापत्तप, तं सेयं खलु ममं पयं पुरिसं गिण्हत्तप” त्ति कट्टु उद्धाइप, से वि य आगासे उप्पइप, तेणं च खम्मे आसाइप, महया महया सहेणं कोलाइले कप ॥१३८॥

तप णं सा भदा सत्थवाही तं कोलाहलसहं सोच्चा
निसम्म जेणेव चुलणीपिया समणोवासप तेणेव उवागच्छइ,
२ ता चुलणीपियं समणोवासयं एवं वयासी—“किं णं,
पुत्ता ! तुमं महया महया सहेणं कोलाहले कप ? ॥१३९॥

तप णं से चुलणीपिया समणोवासप अम्मं भदं सत्थवाहिं
एवं वयासी—“एवं खलु, अम्मो ! न जाणामि, के वि पुरिसे
आसुरस्से ५ एमं महं नीलुप्पल जाव असि गहाय ममं एवं
वयासी—“हं भो । चुलणीपिया ! समणोवासया ! अपत्थिय-
पत्थिया ! हिरिसिरिधिइकित्तिवज्जिया ! जइ णं तुमं जाव
ववरोविज्जसि” । अहं तेणं पुरिसेणं एवं बुत्ते समाणे अभीए
जाव विहरामि । तप णं से पुरिसे ममं अभीयं जाव विह-
रमाणं पासइ, २ ता ममं दोच्चं पि तच्चं पि एवं वयासी—
“हं भो ! चुलणीपिया ! समणोवासया ! तहेव जाव गायं
आयञ्चइ । तप णं अहं तं उज्जलं जाव अहियासेमि ।
एवं तहेव उच्चारेयव्वं सव्वं जाव कणीयसं जाव आय-
ञ्चइ । अहं तं उज्जलं जाव अहियासेमि । तप णं से पुरिसे
ममं अभीयं जाव पासइ, २ ता ममं चउत्थं पि एवं वयासी—
“हं भो ! चुलणीपिया ! समणोवासया ! अपत्थियपत्थिया !
जाव न भज्जसि, तो ते अज्ज जा इमा माया गुरु जाव
ववरोविज्जसि” । तप णं अहं तेणं पुरिसेणं एवं बुत्ते समाणे
अभीए जाव विहरामि । तप णं से पुरिसे दोच्चं पि तच्चं
पि ममं एवं वयासी—“हं भो ! चुलणीपिया ! समणोवासया !
अज्ज जाव ववरोविज्जसि” । तप णं तेणं पुरिसेणं दोच्चं
पि तच्चं पि ममं एवं बुत्तस्स समाणस्स इमेयारूवे अज्जत्थिय
५—“अहो ! णं इमे पुरिसे अणारिप जाव समायरइ, जेणं ममं
जेहं पुत्तं सामो गिहाओ तहेव जाव कणीयसं जाव

आयञ्चइ, तुम्हे वि य णं इच्छइ साओ गिहाओ नीणेत्ता मम अग्गओ घापरप, तं सेयं खलु ममं पयं पुरिसं गिण्हित्तप” त्ति कइडु उद्दाइप । से वि य आगासे उप्पइप, मप वि य खम्मे आसाइप, महया महया सदेणं कोलाहले कप” ॥१४०॥

तप णं सा भहा सत्थवाही चुलणीपियं समणोवासयं एवं वयासी—नो खलु केइ पुरिसे तव जाव कणीयसं पुत्तं आओ गिहाओ नीणेइ, २ त्ता तव अग्गओ घापर, पस न केइ पुरिसे तव उवसग्गं करेइ, पस णं तुमे विदरिसणे दिट्ठे । तं णं तुमं इयाणि भग्गव्वप भग्गनियमे भग्गपोसहे विहरिसि । तं णं तुमं पुत्ता ! पयस्स ठाणस्स आलोपहि जाव पडिवज्जाहि ॥१४१॥

तप णं से चुलणीपिया समणोवासप अम्मगाण भहाप सत्थवाहीप “तह” त्ति पयमइं विणपणं पडिसुणेइ, २ त्ता तस्स ठाणस्स आलोपइ जाव पडिवज्जइ ॥१४२॥

तप णं से चुलणीपिया समणोवासप पढमं उवासगपडिमं उवसंपज्जित्ताणं विहरइ । पढमं उवासगपडिमं अहासुत्तं जहा आणन्दो जाव पक्कारसमं पि ॥१४३॥

तप णं से चुलणीपिया समणोवासप तेणं उरालेणं जहा कामदेवो जाव सोहम्मे कप्पे सोहम्मवडिसगस्स महाविमाणस्स उत्तरपुरत्थिमेणं अहणप्पमे विमाणे देवत्ताप उववन्ने । चत्तारि पलिओवमाइं ठिई पण्णत्ता । महाविदेहे वासे सिज्झिहिइ ॥१४४॥

॥ निकखेवो ॥

॥ तइयं चुलणीपियज्झयणं समत्तं ॥

चउत्ये सुरादेवे अङ्गयणे ।

॥ उक्खेवो ॥

एवं खलु, जम्बू ! तेणं कालेणं तेणं समपणं बाणारसी नामं नयरी। कोट्टप चेइए। जियसत्तू राया। सुरादेवे गाहा-
वई अइडे। छ हिरण्णकोडीओ जाव छ वया दसगोसाहस्सि-
एणं वपणं। धन्ना भारिया। सामी समोसडे। जहा आणन्दो
तहेव पडिवज्जइ गिहिधम्मं। जहा कामदेवो जाव समणस्स
भगवओ महावीरस्स धम्मएणात्ति उवसंपज्जिस्ताणं बिइ
इ ॥१४५॥

तए णं तस्स सुरादेवस्स समणोवासयस्स पुव्वरत्ता-
घरत्तकालसमयंसि एगे देवे अन्तियं पाउब्भवित्था ॥१४६॥

से देवे एगं महं नीलुपल जाव अंसि गहाय सुरादेवं
समणोवासयं एवं वयासी-“इं भो! सुरादेवा! समणो-
वासया! अपत्थियपत्थिया ४, जइ णं तुमं सीलाई जाव न
भञ्जसि, तो ते जेइं पुत्तं साओ गिहाओ नीणेमि, २ ता तए
अग्गओ घापमि, २ ता एच्च सोल्लए करेमि, आदाणभरि-
यंसि कडाहयंसि अइहेमि, २ ता तव गायं मंसेण य सोणि-
एण य आयञ्चामि, जहा णं तुमं अकाले चेव जीवियाओ
ववरोविज्जसि” ॥ एवमज्झिमयं, कणीयसं, एक्केक्के एच्च
सोल्लया। तहेव करेइ, जहा चुलणीपियस्स, नवरं-एक्केक्के
एच्च सोल्लया ॥ १४७॥

तए णं से देवे सुरादेवं समणोवासयं चउत्यं पि एवं
वयासी-“इं भो! सुरादेवा! समणोवासया! अपत्थियपत्थि-
या! ४ जाव न परिचयसि, तो ते अज्ज सरीरंसि जमगसम-
गमेव सोलस रोगायङ्के पक्खिचामि, तं जहा सासे कासे
जाव कोडे, जहा णं तुमं अइदुइइ जाव ववरोविज्जसि”
॥१४८॥

तप णं से सुरादेवे समणोवासप जाव विहरइ ॥१४९॥
 पवं देवो दोच्चं पि तच्चं पि भणइ-जाव “ववरोवि-
 ज्जिसि” ॥१५०॥

तप णं तस्स सुरादेवस्स समणोवासयस्स तेणं देवेणं दोच्चं
 पि तच्चं पि पवं वुत्तस्स समाणस्स इमेयारूवे अज्झत्थिप
 ४-“अहो ! णं इमे पुरिसे अणारिप जाव समायरइ, जेणं ममं
 जेट्टं पुत्तं जाव कणीयसं जाव आयञ्चइ, जे वि य इमे
 सोलस रोगायङ्का, ते वि य इच्छइ मम सरीरगंसि पक्खि-
 वित्तप, तं सेयं खलु ममं पयं पुरिसं गिण्हत्तप” त्ति कट्ठु
 उट्ठाइप । से वि य आगासे उप्पइप । तेण य खम्मे
 आसाइप, महया महया सद्देणं कोलाहले कप ॥१५१॥

तप णं सा धन्ना भारिया कोलाहलं सोच्चा निसम्म,
 जेणेव सुरादेवे समणोवासप तेणेव उवागच्छइ, २ ता पवं
 वयासी-“किं णं, देवाणुप्पिया ! तुब्भेहिं महया महया सद्देणं
 कोलाहले कप ?” ॥१५२॥

तप णं से सुरादेवे समणोवासप धन्नं भारियं पवं वयासी-
 “पवं खलु, देवाणुप्पिय ! के वि पुरिसे” तहेव कहेइ जहा
 चुलणीपिया । धन्ना वि पडिभणइ-जाव कणीयसं । “नो
 खलु, देवाणुप्पिया ! तुब्भं के वि पुरिसे सरीरंसि जमगसमगं
 सोलस रोगायङ्के पक्खिवइ, एस न के वि पुरिसे तुब्भं
 उवसगं करेइ” । सेसं जहा चुलणीपियस्स तहा भणइ ॥१५३॥

पवं सेसं जहा चुलणीपियस्स निरवसेसं जाव सोहम्मं
 कप्पे अरुणकन्ते विमाणे उववन्ने । चत्तारि पलिओवमाई
 ठिई । महाविदेहे वासे सिज्झिहिइ ॥१५४॥

॥ निक्खेवो ॥

॥ अउत्थं सुरादेवज्जयणं समत्तं ॥

पञ्चमे चुल्लसयए अञ्जयणे ।

॥ उक्खेवो ॥

एवं खलु, जम्बू ! तेणं कालेणं तेणं समपणं आलभिया नामं नयरी । सङ्खवणे उज्जाणे । जियसत्तू राया । चुल्लसयए गाहावई अड्डे जाव छ हिरण्णकोडीओ जाव छ वया दसगो-साहस्सिसपणं वपणं । बहुला भारिया । सामी समोसडे । जहा आणन्दो तहा गिहिधम्मं पडिवज्जइ । सेसं जहा कामदेवो जाव धम्मपण्णत्तिं उवसंपज्जित्ताणं विहरइ ॥१५५॥

तप णं तस्स चुल्लसयगस्स समणोवासयस्स पुब्बरत्तावर-त्तकालसमयंसि एगे देवे अन्तियं जाव असिं गहाय एवं वयासी-“हं भो ! चुल्लसयगा ! समणोवासया ! जाव न भञ्जसि, तो ते अज्ज जेट्टं पुत्तं साओ गिहाओ नीजेमि, ” एवं जहा चुलणीपियं, नवरं-एक्केक्के सत्त मंससोल्लया, जाव कणीयसं जाव आयञ्चामि ॥१५६॥

तप णं से चुल्लसयए समणोवासए जाव विहरइ ॥१५७॥

तप णं से देवे चुल्लसयगं समणोवासयं च्चत्थं पि एवं वयासी-“हं भो ! चुल्लसयगा ! समणोवासया ! जाव न भञ्जसि, तो ते अज्ज जाओ इमाओ छ हिरण्णकोडीओ निहाणपउत्ताओ छ वड्ढिपउत्ताओ छ पवित्थरपउत्ताओ, ताओ साओ गिहाओ नीजेमि, २ त्ता आलभियाए नयरीए सिंघाडग जाव पहेसु सव्वओ समन्ता विप्पइरामि, जहा णं तुमं अट्टदुहट्टवसट्टे अकाले चेव जीवियाओ ववरोवि-ज्जसि” ॥१५८॥

तप णं से चुल्लसयए समणोवासए तेणं देवेणं एवं वुत्ते समाजे अभीए जाव विहरइ ॥१५९॥

तए णं से देवे चुल्लसयगं समणोवासयं अभीयं जाव
पासित्ता दोच्चं पि तच्चं पि तद्देव भणइ जाव “ववरो-
विज्जसि” ॥१६०॥

तए णं तस्सःचुल्लसयगस्स समणोवासयस्स तेणं देवेणं
दोच्चं पि तच्चं पि पच्चं बुत्तस्स समाणस्स अयमेयारूवे अज्ज-
त्थिपः ४-“ अहो ! णं इमे, पुरिसे अणारिप जहा चुलणी-
प्रिया तहा चिन्तेइ जाव कणीयसे जाव आयञ्चइ, जाओ
वि य णं इमाओ ममं छ हिरण्णकोडीओ निहाणपउत्ताओ
छ वड्ढिपउत्ताओ छ पविथरपउत्ताओ, ताओ वि य णं
इच्छइ ममं साओ गिहाओ नीणेत्ता, आलभियाण नयरीप
सिघाडग जाव विण्हरित्तप, तं सेयं खलु ममं एयं पुरिसं
गिण्हित्तप” त्ति कट्टु उट्ठाइप जहा सुरादेवो । तद्देव भारिया
पुच्छइ, तद्देव कहेइ ॥१६१॥

सेसं जहा चुलणीपियस्स जाव सोहम्मे कप्पे अरुणसिद्धे
विमाणे उववन्ने । चत्तारि पलिओषमाइं ठिई । सेसं तद्देव
जाव महाविदेहे वासे सिज्झिदिइ ॥१६२॥

॥ निक्खेवो ॥

॥ पञ्चमं चुल्लसययऽज्जयणं समत्तं ॥

छट्ठे कुण्डकोलिण् अज्जयणे ।

॥ उक्खेवो ॥

एवं खलु, जम्बू ! तेणं कालेणं तेणं समएणं कम्पिल्लपुरे
नयरे । सहस्सम्बवणे उज्जाणे । जियसत्तु राया । कुण्डको-
लिण गाहावई । पूसा भारिया । छ हिरण्णकोडीओ निहाण-
पउत्ताओ छ वड्ढिपउत्ताओ छ पविथरपउत्ताओ छ घया
दसगोसाहस्सिएणं वणणं । सामी समोसट्ठे । जहा कामदेवो

तद्वा सावयधम्मं पडिबज्जइ । सव्वेव वत्तव्वया जाव
पडिलामेमाणे विहरइ ॥१६३ ॥

तप णं से कुण्डकोलिप समणोवासप अन्नया कयाइ
पुब्बावरण्हकालसमयंसि जेणेव असोगवणिया, जेणेव
पुढविसिलापट्टप तेणेव उवागच्छइ, २ ता नाममुहगं च
उत्तरिज्जगं च पुढविसिलापट्टप ठवेइ, २ ता समणस्स भग-
वओ महावीरस्म अन्तियं धम्मपण्णत्ति उवसंपज्जित्ताणं
विहरइ ॥१६४॥

तप णं तस्स कुण्डकोलियस्स समणोवासयस्स पगे
देवे अन्तियं पाउम्भवित्था ॥ १६५ ॥

तप णं से देवे नाममुहं च उत्तरिज्जं च पुढविसिलापट्ट-
याओ गेण्हइ, २ ता सखिखिणि अन्तलिक्खपडिवन्ने कुण्ड
कोलियं समणोवासयं पव वयासी —“हं भो ! कुण्डको-
लिया ! समणोवासया ! सुन्दरी णं, देवाणुप्पिया, गोसालस्स
मङ्गलिपुत्तस्स धम्मपण्णत्ती” —“नत्थि उट्ठाणे इ वा, कम्मे इ वा
बले इ वा वोरिप इ वा पुरिसक्कारपरक्कमे इ वा, नियया
सव्वभावा” । “मङ्गुली णं समणस्स भगवओ महावीरस्स,
धम्मपण्णत्ती—अत्थि उट्ठाणे इ वा जाव परक्कमे इ वा,
अणियया सव्वभावा ” ॥ १६६ ॥

तप णं से कुण्डकोलिप समणोवासप तं देवं ष्वं वयासी
“जइ णं, देवा ! सुन्दरी गोसालस्स मङ्गलिपुत्तस्स धम्म-
पण्णत्ती—नत्थि उट्ठाणे इ वा जाव नियया सव्वभावा; मङ्गु-
ली णं समणस्स भगवओ महावीरस्स धम्मपण्णत्ती-
अत्थि उट्ठाणे इ वा जाव अणियया सव्वभावा । तुमे णं,
देवा ! इमा पयारूवा दिव्वा देविइढी, दिव्वा देवज्जुइ, दिव्वे
देवागुभावे किण्णा लद्धे किण्णा पत्ते किण्णा अभिसमन्नागप!

किं उद्वाणेणं जाव पुरिसक्कारपरक्कमेणं, उवाहु अणुद्वाणेणं
अक्कमेणं जा अपुरिसक्कारपरक्कमेणं ? ” ॥१६७॥

तए णं से देवे कुण्डकोलियं समणोवासयं पवं वयासी-
“पवं खलु, देवाणुप्पिया ! मए इमेयारूवा दिव्वा देविइढी ३
अणुद्वाणेणं जाव अपुरिसक्कारपरक्कमेणं लद्धा पत्ता अभिस-
मन्नागया” ॥१६८॥

तए णं से कुण्डकोलियं समणोवासए तं देवं पवं
वयासी—“ जइ णं, देवा! तुमे इमा पयारूवा दिव्वा देविइढी ३
अणुद्वाणेणं जाव अपुरिसक्कारपरक्कमेणं लद्धा पत्ता अभिस-
मन्नागया, जेसिं णं जीवाणं नत्थि उद्वाणे इ वा जाव पर-
क्कमे इ वा, ते किं न देवा ? अह णं, देवा ! तुमे इमा पया
रूवा दिव्वा देविइढी ३ उद्वाणेणं जाव परक्कमेणं लद्धा पत्ता
अभिसमन्नागया, तो जं वदसि सुन्दरी णं गोसालस्स मङ्ग-
लिपुत्तस्स धम्मपण्णत्ती-नत्थि उद्वाणे इ वा जाव नियया
सव्वभावा-मङ्गुली णं समणस्स भगवओ महावीरस्स धम्म-
पण्णत्ती-अत्थि उद्वाणे इ वा जाव अणियया सव्वभावा,
तं ते मिच्छा” ॥१६९॥

तए णं से देवे कुण्डकोलियं समणोवासएणं पवं बुत्ते
समाणे सङ्घिए जाव कलुसमावन्ने नो संचापइ कुण्डकोलि-
यस्स समणोवासयस्स किंचि पामोक्खमाइक्खत्तए; नाम-
मुइयं च उत्तरिज्जयं च पुढविसिलापट्टए ठवेइ, २ त्ता जामेव
विसिं पाउभूप, तामेव विसिं पडिगए ॥१७०॥

तेण कालेण तेणं समएणं सामी समोसढे ॥१७१॥

तए णं से कुण्डकोलियं समणोवासए इमीसे कहाए
लद्धे इहु जहा कामदेवो तहा निग्गच्छइ जाव पज्जुवासइ ॥
धम्मकहा ॥१७२॥

“कुण्डकोलिया !” इ समणे भगवं महावीरे कुण्डकोलियं पवं वयासी—“से नूणं कुण्डकोलिया ! कल्लं तुम्भं पुब्बावरण्ह-कालसमयंसि असोगवणियाप पगे देवे अन्तियं पाउम्भवित्था । तप णं से देवे नाममुहं च तद्देव जाव पडिगप । से नूणं, कुण्डकोलिया ! अट्टे समट्टे ” ?

“हन्ता, अत्थि” ।

“तं धन्ने सि णं तुमं, कुण्डकोलिया !” जहा कामदेवो ॥१७३॥

अज्जो ! इ समणे भगवं महावीरे समणे निग्गन्थे य निग्गन्थीओ य आमन्तित्ता पवं वयासी—जइ ताव, अज्जो ! गिह्दिणो गिह्दिमज्झा वसन्ता णं अन्नउत्थिप अट्टेहि य हेऊहि य पसिणेहि य कारणेहि य वागरणेहि य निप्पट्टु-पसिणवागरणे करेन्ति, सक्का पुणाइं, अज्जो ! समणेहिं निग्गन्थेहिं दुवालसङ्गं गणिपिडगं अहिज्जमाणेहिं अन्न-उत्थिया अट्टेहि य जाव निप्पट्टुपसिणा करित्तप ॥१७४॥

तप णं समणा निग्गन्था य निग्गन्थीओ य समणस्स भगवओ महावीरस्स “तह” त्ति पयमट्टं विणपणं पडिसु-णेन्ति ॥१७५॥

तप णं से कुण्डकोलिप समणोवासप समणं भगवं महावीरं वन्दइ नमंसइ, २ त्ता पसिणाइं पुच्छइ, २ त्ता अट्टु-मादियइ, २ त्ता जामेव दिसिं पाउम्भूय तामेव दिसिं पडि-गप । १७६॥

सामी बहिया जणवयविहारं विहरइ ॥१७७॥

तप णं तस्स कुण्डकोलियस्स समणोवासयस्स बह्दिं सील जाव भावेमाणस्स चोहस संवच्छराइं वीइक्कन्ताइं । पण-रसमस्स संवच्छरस्स अन्तरा वट्टमाणस्स अन्नया कयाइ जहा कामदेवो तहा जेट्टुपुत्तं ठवेत्ता तहा पोसहसालाप जाव

धम्मपण्णत्ति उवसंपज्जित्ताणं विहरइ ॥ एवं एक्कारस उवास-
गपडिमाओ ॥१७८॥

तहेव जाव सोहम्मे कप्पे अरुणज्झप विमाणे जाव
अन्तं काहिइ ॥१७९॥

॥ निक्खेवो ॥

॥ छट्ठं कुण्डकोलियऽज्झयणं समत्तं ॥

सत्तमे महालपुत्ते अज्झयणे ।

॥ उक्खेवो ॥

पोलासपुरे नामं नयरे । सहस्सम्बवणे उज्जाणे । जिय-
सत्तू राया ॥१८०॥

तत्थ ण पोलासपुरे नयरे सहालपुत्ते नामं कुम्भकारे
आजीविओवासण पग्गिसइ । आजीवियसमयंसि लद्धट्ठे
गहियट्ठे पुच्छियट्ठे विणिच्छियट्ठे अभिगयट्ठे अट्ठिमिज्जपेमा-
णुरागरत्ते य “ अयमाउसो ! आजीवियसमप अट्ठे अयं पर-
मट्ठे सेसे अणट्ठे” त्ति आजीवियसमएणं अण्णाणं भावेमाणे
विहरइ ॥१८१॥

तस्स णं सहालपुत्तस्स आजीविओवासगस्स एक्का
हिरण्णकोडी निहाणपउत्ता एक्का वडिडपउत्ता एक्का पवित्थ-
रथंउत्ता एक्के वप दसगोसाहस्सिण्णं वण्णं ॥१८२॥

तस्स णं सहालपुत्तस्स आजीविओवासगस्स अग्गिमित्ता
नामं भारिया होत्था ॥१८३॥

तस्स णं सहालपुत्तस्स आजीविओवासगस्स पोलास-
पुरस्स नगरस्स बहिया पञ्च कुम्भकारावणसेया होत्था । तत्थ
णं बहवे पुरिसा दिण्णभइभत्तवेयणा कल्लाकल्लि बहवे करप
य वारप य पिहडप य घडप य अद्धघडप य कलसप य
अलिअरप य जम्बूलप य उट्टियाओ य करेन्ति । अन्ने य से

बह्वे पुरिसा विष्णभइभत्तवेयणा कल्लाकलिं तेहिं बहूहिं कर-
पहिं य जाव उट्टियाहिं य रायमग्गंसि विस्तिं कप्पेभाणा
विहरन्ति ॥१८४॥

तप णं से सह्यालपुत्ते आजीविओवासप अन्नया कयाह
पुष्वावरण्हकालसमयंसि जेणेव असोगवणिया तेणेव उवा-
गच्छइ २ ता गोसालस्स मङ्गलिपुत्तस्स अन्नितयं धम्मपण्णत्ति
उव संपज्जित्ताणं विहरइ ॥१८५॥

तप णं तस्स सह्यालपुत्तस्स आजीविओवासगस्स पगे
देवे अन्नितयं पाउब्भविन्था ॥१८६॥

तप णं से देवे अन्तलिक्खपडिधन्ने सखिखिणियाहं
जाव परिहिप सह्यालपुत्तं आजीविओवासयं एवं वयासी—
“पहिइ णं, देवाणुप्पिया ! कल्लं इहं महामाहणे उप्पन्नणाण-
दंसणधरे तीयपक्खपन्नमणागयजाणप भरहा जिणे केवली
सव्वण्णू सव्वदरिसी तेलोक्कवहियमहियपूइप सदेवमगुआसु-
रस्स लोगस्स अच्चणिज्जे वन्दणिज्जेसक्कारणिज्जे संमाणिज्जे
कल्लाणं मङ्गलं देवयं वेइयं जाव पज्जुवासणिज्जे तच्चकम्म-
संपयासंपउत्ते । तं णं तुमं वन्देज्जाहिं जाव पज्जुवासेज्जाहिं,
पाडिहारिणं पीढकलगसिज्जासंथारणं उवनिमन्तेज्जाहिं”।
दोच्चं पि तच्चं पि एवं वयइ २ ता जामेव दिंसि
पाउब्भूप तामेव दिंसि पडिगप ॥१८७॥

तप णं तस्स सह्यालपुत्तस्स आजीविओवासगस्स तेणे
देवेणं एवं वुत्तस्स समाणस्स इमेयारूवे अज्ज्ञत्थिप ४ समु-
प्पन्ने—“एवं खलु ममं धम्मायरिप धम्मोषपसप गोसाले
मङ्गलिपुत्ते, से णं महामाहणे उप्पन्नणाणदंसणधरे जाव
तच्चकम्मसंपयासंपउत्ते, से णं कल्लं इहं इव्वमागच्छिस्सइ ।
तप णं तं अहं वन्दिस्सामि जाव पज्जुवासिस्सामि, पाडिहा-
रिणं जाव उवनिमन्तिस्सामि” ॥१८८॥

तप णं कल्लं जाव जलन्ते समणे भगवं महावीरे
समोसरिप । परिसा निग्गया जाव पज्जुवासइ ॥१८९॥

तप णं से सद्दालपुत्ते आजीविओवासप इमीसे कहाप
लद्धइठे समाणे, “एवं खलु समणे भगवं महावीरे जाव वि-
हरइ, तं गच्छामि णं वमणं भगवं महावीरं वन्दामि जाव
पज्जुवासामि”, एव संपेहेइ, २ ता ण्हाप जाव पायच्छिसे
सुद्धप्पावेसाइं जाव अप्पमहग्घाभरणाळंक्रियसरीरे मणुस्स-
वग्गुरापरिगप साओ गिहाओ पडिणिक्खमइ, २ ता पोला-
सपुरं नयरं मज्झमज्झेणं निग्गच्छइ, ता जेणेव सहस्स-
म्भवणे उज्जाणे जेणेव समणे भगवं महावीरे तेणेव उवा-
गच्छइ, २ ता तिक्खुत्तो आयाहिणं पयाहिणं करेइ, २ ता
वन्दइ नमंसइ, २ ता जाव पज्जुवासइ ॥१९०॥

तप णं समणे भगवं महावीरे सद्दालपुत्तस्स आजीवि-
ओवासगस्स तीसे य महइ जाव धम्मकहा समत्ता ॥१९१॥

“सद्दालपुत्ता !” इ समणे भगवं महावीरे सद्दालपुत्तं
आजीविओवासयं एवं वयासी-“से नूनं, सद्दालपुत्ता !
कल्लं तुमं पुब्बावरण्हकालसमयंति जेणेव असोगवणिया
जाव विहरसि । तप णं तुमं एगे देवे अन्तियं पाउम्भ-
वित्था । तप णं से देवे अन्तलिक्खपडिवन्ने एवं वयासी-
“हं भो ! सद्दालपुत्ता !” तं चेव सव्वं जाव “पज्जुवासि-
स्सामि” । से नूनं, सद्दालपुत्ता ! अट्ठे समट्ठे ? ॥

“हंता, अत्थि”

“नो खलु सद्दालपुत्ता ! तेणं देवेणं गोसालं मंखलिपुत्तं
पणिहाय एवं बुत्ते” ॥१९२॥

तप णं तस्स सद्दालपुत्तस्स आजीविओवासयस्स सम-
णेणं भगवया महावीरेणं एवं बुत्तस्स समाणस्स इमे-
यारूवे अज्झत्थिप ४-“एस णं समणे भगवं महावीरे महा-
माहणे उप्पन्नणाणदंसणधरे जाव तरुचक्कम्मसंपयासंपडसे ।

ते सेयं खलु ममं समणं भगवं महावीरं वन्दित्ता नमंसित्ता पाडिहारिपणं पीढफलग जाव उवनिमन्तित्तप” एवं संपेहेइ, २ ता उट्ठाए उट्ठेइ, २ ता समणं भगवं महावीरं वन्दइ नमंसइ, २ ता एवं वयासी-“एवं खलु, भन्ते ! ममं पोला-सपुरस्स नयरस्स बहिया पञ्च कुम्भकारावणसया । तत्थ णं तुम्हे पाडिहारियं पीढ जाव संधारयं ओगिण्हित्ताणं विहरइ” ॥१९३॥

तए णं समणे भगवं महावीरे सददालपुत्तस्स आजीवि-ओवासगस्स पयमट्ठं पडिसुणेइ, २ ता सददालपुत्तस्स आजीविओवासगस्स पञ्च कुम्भकारावणसएसु फासुपस-णिज्जं पाडिहारियं पीढफलग जाव संधारयं ओगिण्हित्ताणं विहरइ ॥१९४॥

तए णं से सददालपुत्ते आजीविओवासए अन्नया कयाइ वायाहययं कोलालभण्डं अन्तो सालार्हितो बहिया नीणेइ, २ ता आयवंसि दलयइ ॥१९५॥

तए णं समणे भगवं महावीरे सददालपुत्तं आजीवि-ओवासयं एवं वयासी-“सददालपुत्ता ! एस णं कोलालभण्डे कओ ?” ॥१९६॥

तए णं से सहालपुत्ते आजीविओवासए समणं भगवं महावीरं एवं वया सी- ‘ एस णं, भन्ते ! पुण्वि मट्टिया आसी, तओ पच्छा उदपणं निमिज्जइ, २ ता छारेण य करिसेण य एगयओ मीसिज्जइ, २ ता चक्के आरोहिज्जइ, तओ बहवे करगा य जाव उट्टियाओ य कज्जन्ति” ॥१९७॥

तए णं समणे भगवं महावीरे सददालपुत्तं आजीविओवा-सयं एवं वयासी- “सददालपुत्ता ! एस णं कोलालभण्डे किं उट्टाणेणं जाव पुरिसक्कारपरक्कमेणं कज्जति, उदाहु अणुट्टा-णेणं जाव अपुरिसक्कारपरक्कमेणं कज्जति ?” ॥१९८॥

तप णं से सद्दालपुत्ते आजीविओवासप समणं भगवं
महावीरं एवं वयासी- “भन्ते ! अगुट्ठाणेणं जाव अपुरिसः
पकारपरककमेणं, नत्थि उट्ठाणे इ वा जाव परककमे इ वा,
नियया सव्वभावा” ॥१९९॥

तप णं समणे भगवं महावीरे ! सद्दालपुत्तं आजीविओ-
वासयं एवं वयासी- “सद्दालपुत्ता ! जइ णं तुब्भं केइ पुरिसे
वायाहयं वा पक्केल्लयं वा कोलालभण्डं अवहरेज्जा वा
विकिखरेज्जा वा भिन्देज्जा वा अच्छिन्देज्जा वा परिट्टवेज्जा
वा अग्गिमित्ताप वा भारियाप सद्धि विउलाइं भोगभोगाइं
भुज्जमाणे विहरेज्जा, तरस्स णं तुमं पुरिस्सस्स किं दण्डं
वत्तेज्जासि ?”

“भन्ते ! अहं णं तं पुरिसं आओसेज्जा वा हणेज्जा वा
बन्धेज्जा वा महेज्जा वा तज्जेज्जा वा तालेज्जा वा निच्छोढेज्जा
वा निम्भच्छेज्जा वा अकाले चं व जीवियाओ ववरोवेज्जा” ॥
'सद्दालपुत्ता ! नो खलु तुब्भं केइ पुरिसे वायाहयं वा
पक्केल्लयं वा कोलालभण्डं अवहरइ वा जाव परिट्टवेइ वा
अग्गिमित्ताप वा भारियाप सद्धि विउलाइं भोगभोगाइं भुज्ज-
माणे विहरइ । नो वा तुमं तं पुरिसं आओसेज्जसि वा हणे-
ज्जसि वा जाव अकाले चं व जीवियाओ ववरोवेज्जसि । जइ
नत्थि उट्ठाणे इ वा जाव परककमे इ वा, नियया सव्वभावा ।
अहं णं, तुब्भं केइ पुरिसे वायाहयं जाव परिट्टवेइ वा अग्गि-
मित्ताप वा जाव विहरइ, तुमं वा तं पुरिसं आओसेसि वा
जाव ववरोवेसि । तो जं वदसि नत्थि उट्ठाणे इ वा जाव
नियया सव्वभावा, तं ते मिच्छा” ॥२००॥

पत्थणं से सद्दालपुत्ते आजीविओवासप संबुद्धे ॥२०१॥

तप णं से सद्दालपुत्ते आजीविओवासप समणं भगवं

महावीरं वन्दइ नमंसइ, २ ता प्वं वयासी-” इच्छामि णं, भन्ते, तुभं अन्तिप घम्मं निसामेत्तप ” ॥२०२॥

तप णं समणं भगवं महावीरे सद्वालपुत्तस्स आजीवि-
ओघासगस्स तीसे य जाव घम्मं परिकहेइ ॥२०३॥

तप णं से सद्वालपुत्ते आजीविओवासण समणस्स भग-
वओ महावीरस्स अन्तिप घम्मं सौच्चा निसग्गं इट्टतुट्ट जाव
द्वियण जहा आणन्दो तहा गिहिधम्मं पडिघज्जइ । नवर-
पगा द्विरण्णकोडी निहाणपउत्ता पगा द्विरण्णकोडी वट्ठिठप-
उत्ता पगा द्विरण्णकोडी पविथरपउत्ता पगे वप दसगोसा-
हस्सिण्ण वणण जाव समणं भगवं महावीरं वन्दइ नमंसइ,
२ ता जेजेव पोलासपुरे नयरे तेणेव उवागच्छइ, २ ता
पोलासपुरं नयरं मज्झमज्झेणं जेणेव सप गिहे, जेणेव
अग्गिमित्ता भारिया तेणेव उवागच्छइ, २ ता अग्गिमित्तं
भारियं पवं वयासी- “पवं खलु, देवाणुप्पिण ! समणे भगवं
महावीरे जाव समोसहे, तं गच्छाहि णं तुमं, समणं भगवं
महावीरं वन्दाहि जाव पज्जुवासाहि, समणस्स भगवओ
महावीरस्स अन्तिप पञ्चाणुवइयं सत्तसिक्खावइयं दुवां-
लसविहं गिहिधम्मं पडिघज्जाहि ” ॥२०४ ॥

तप णं सा अग्गिमित्ता भारिया सहालपुत्तस्स समणो
वासगस्स ‘तह’ त्ति पयमट्टं विणपण पडिसुणेइ ॥२०५॥

तप णं से सहालपुत्ते समणोवासण कोडुम्बियपुरिस्से
सहोवेइ, २ ता पवं वयासी- “खिप्पामेव, भो ! देवाणु-
प्पिया ! लहुकरणजुत्तजोइयं समखुरवालिहाणसमलिहियं-
सिक्कपहिं जस्सुणायामयकलावजोत्तपइविसिदुपहिं रययामं-
यघण्टसुत्तरज्जुगवरकञ्चणखइयमत्थापग्गहोर्गाहियणहिं नालु-
प्पलकयामेरुपहिं पवरगोणजुवाणपहिं नाणामणिकणग-
वण्टियाजालपरिगयं सुंजायजुगजुत्तउज्जुमपसत्थसुविरइयं-

निम्भियं पवरलकखणोत्रवेयं जुत्तामेव घम्भियं जाणप्पवरं
उवट्टवेह, २ ता मम पयमाणत्तियं पच्चप्पिणह ॥ २०६ ॥

तप णं ते कोडुम्भियपुरिसा जाव पच्चप्पिणन्ति ॥२०७॥

तप णं सा अग्गिमित्ता भारिया ण्हाया जाव पायच्छित्ता
सुद्धप्पावेसाइं जाव अप्पमहग्घाभरणालं कियसरीरा
चेडियाचक्कवालपरिकिण्णा घम्भियं जाणप्पवरं दुरुहइ, २ ता
पोलासपुरं नगरं मज्झंमज्झेणं निग्गच्छइ, २ ता जेणेव सह-
स्सम्भवणे उज्जाणे तेणेव उवागच्छइ, २ ता घम्भियाओ
जाणाओ पच्चोरुहइ, २ ता चेडियाचक्कवालपरिवुडा जेणेव
समणे भगवं महावीरे तेणेव उवागच्छइ; २ ता तिक्खुत्तो
जाव वन्दइ नमंसइ, २ ता नच्चासन्ने नाइदूरे जाव पज्जलि-
उडा ठिइया चेव पज्जुवासइ ॥२०८॥

तप णं समणे भगवं महावीरे अग्गिमित्ताप तीसे य
जाव धम्मं कहेइ ॥२०९॥

तप णं सा अग्गिमित्ता भारिया समणस्स भगवओ
महावीरस्स अन्तिप धम्मं सोच्चा निसम्म हट्टतुट्ठा समणं
भगवं महावीरं वन्दइ नमंसइ, २ ता एवं वयासी—“सह-
हामि णं, भन्ते ! निग्गन्थं पावयणं जाव मे जहेयं तुम्भे
वयह । जहा णं देवाणुप्पियाणं अन्तिप बहवे उग्गा भोगा
जाव पव्वइया, नो खलु अहं तद्दा संचापमि देवाणुप्पियाणं
अन्तिप मुण्डा भवित्ता जाव । अहं णं देवाणुप्पियाणं
अन्तिप पञ्चाणुव्वइयं सत्तसिक्खावइयं दुवालसविहं गिहि-
धम्मं पडिबज्जिस्सामि । अहासुहं, देवाणुप्पिया ! मा पडि-
बन्धं करेइ” ॥२१०॥

तप णं सा अग्गिमित्ता भारिया समणस्स भगवओ
महावीरस्स अन्तिप पञ्चाणुव्वइयं सत्तसिक्खावइयं दुवाल-
सविहं सावगधम्मं पडिबज्जइ, २ ता समणं भगवं महावीरं

बन्दइ नमंसइ, २ ता तमेव घम्मियं जाणप्पवरं दुवइइ,
२ ता जामेव दिंसि पाउम्भूया तामेव दिंसि पडिगया ॥२११

तप णं समणे भगवं महावीरे अन्नया कयाइ पोलास-
पुराओ सहस्सम्भवणाओ पडिनिग्गच्छइ, २ ता बहिया
जणवयविहारं विहरइ ॥२१२॥

तप णं से सह्यालपुत्ते समणोवासप जाप अभिगयजीवा-
जीवे जाव विहरइ ॥२१३॥

तप णं से गोसाले मङ्खलिपुत्ते इमीसे कहाप लद्धट्ठे
समाणे, “पवं खलु सह्यालपुत्ते आजीवियसमयं वमिप्ता सम-
णाणं निग्गन्थाणं दिट्ठिं पडिवन्ने । तं गच्छामि णं सह्यालपुत्तं
आजीविओवासयं समणाणं निग्गन्थाणं दिट्ठिं वामेत्ता पुण-
रवि आजीवियदिट्ठिं गेण्हावित्तप ” त्ति कट्ठु पवं संपेहेइ,
२ ता आजीवियसंघपरिवुडे जेणेव पोलासपुरे नयरे, जेणे-
व आजीवियसभा, तेणेव उवागच्छइ, २ ता आजीवियस-
भाप भण्डगनिकखेवं करेइ, २ ता कइवपहिं आजीविपहिं
सद्धिं जेणेव सद्दालपुत्ते समणोवासप तेणेव उवागच्छइ
॥२१४॥

तप णं से सद्दालपुत्ते समणोवासप गोसालं मङ्खलिपुत्तं
पज्जमाणं पासइ, २ ता नो आढाइ नो परिजाणइ, अणा-
ढायमाणे अपरिजाणमाणे तुसिणीप संचिट्ठइ ॥२१५॥

तप णं से गोसाले मङ्खलिपुत्ते सद्दालपुत्तेणं समणोवास-
पणं अणाढाइज्जमाणे अपरिजाणिज्जमाणे पीढफलगसिज्जा-
संथारट्ठाप समणस्स भगवओ महावीरस्स गुणकित्तणं करे-
माणे सद्दालपुत्तं समणोवासयं पवं वयासी- “भागप णं,
देवाणुप्पिया ! इहं महामाइजे” ! ॥२१६॥

तप णं से सह्यालपुत्ते समणोवासप गोसालं मङ्खलिपुत्तं
पवं वयासी - “ के णं, देवाणुप्पिया ! महामाइजे ? ” ॥२१७॥

तप णं से गोसाले मञ्जलिपुत्ते सद्दालपुत्तं समणोवासरं
एवं वयासी-“समणे भगवं महावीरे महामाहणे” ॥

“ से केणट्ठेणं, देवाणुप्पिया ! एवं बुच्चइ-समणे भगवं
महावीरे महामाहणे ? ”

“ एव खलु, सद्दालपुत्ता ! समणे भगवं महावीरे महा-
माहणे उप्पन्नणणदंमणधरे जाव महियपूइए जाव तच्च-
कम्मसंपयासपउत्ते । से तेणट्ठेणं, देवाणुप्पिया ! एव बुच्चइ-
समणे भगवं महावीरे महामाहणे । ”

“ आगए णं, देवाणुप्पिया ! इहं महागोवं ” ॥

“ के णं, देवाणुप्पिया ! महागोवे ? ”

“ समणे भगवं महावीरे महागोवे ॥ ”

“ से केणट्ठेणं, देवाणुप्पिया ! जाव महागोवे ? ”

“ एवं खलु, देवाणुप्पिया ! समणे भगवं महावीरे संसा-
राडवीए बहवे जीवे नस्समाणे विणस्समाणे खउत्तमाणे
ल्लिज्जमाणे भिज्जमाणे लुप्पमाणे विलुप्पमाणे धम्ममएणं
दण्डेणं सारक्खमाणे संगोवेमाणे, निव्वानमहावाडं साहत्थि
संपावेइ । से तेणट्ठेणं, सद्दालपुत्ता ! एवं बुच्चइ-समणे भगवं
महावीरे महागोवे । ”

“ आगए णं, देवाणुप्पिया ! इहं महासत्थवाहे ” ॥

“ के णं, देवाणुप्पिया ! महासत्थवाहे ? ”

“ सद्दालपुत्ता ! समणे भगवं महावीरे महासत्थवाहे ” ॥

“ से केणट्ठेणं ? ”

एवं खलु, देवाणुप्पिया ! समणे भगवं महावीरे संसा-
राडवीए बहवे जीवे नस्समाणे विणस्समाणे जाव विलुप्प-
माणे धम्ममएणं पन्थेणं सारक्खमाणे निव्वानमहापट्टणा-
भिभुहे साहत्थि संपावेइ । से तेणट्ठेणं, सद्दालपुत्ता ! एवं

बुच्चइ-समणे भगवं महावीरे महासत्थवाहे । आगण णं, देवाणुप्पिया ! इहं महाधम्मकही ” ॥

“ के णं, देवाणुप्पिया ! महाधम्मकही ? ”

“ समणे भगवं महावीरे महाधम्मकही ” ॥

“ से केणट्ठेणं समणे भगवं महावीरे महाधम्मकहो ? ”

‘ एवं खलु, देवाणुप्पिया ! समणे भगवं महावीरे महइ-महालयसि संसारंसि बहवे जावे नस्समाणे विणस्समाणे उम्मग्गपडिवन्ने सण्हविण्णट्ठे मिच्छत्तबलाभिभूय अट्ठविहकम्मतनपडलपडोच्छन्ने बह्वहि अट्ठेहि य जाव वागरणेहि य चाउरन्ताओ संसारकन्ताराओ साहत्थि नित्थारेइ । से तेणट्ठेणं, देवाणुप्पिया ! एवं बुच्चइ-समणे भगवं महावीरे महाधम्मकही ।’

“आगण णं, देवाणुप्पिया, इहं महानिज्जामप !”

“के णं, देवाणुप्पिया ! महानिज्जामप ? ”

“समणे भगवं महावीरे महानिज्जामप ” ॥

“से केणट्ठेणं ”

“एवं खलु, देवाणुप्पिया ! समणे भगवं महावीरे संसारमहासमुहे बहवे जावे नस्समाणे विणस्समाणे बुइडमाणे निबुइडमाणे उप्पियमाणे धम्ममइय नावाय निव्वाणतीराभिमुहे साहत्थि संपावइ । से तेणट्ठेणं, देवाणुप्पिया ! एवं बुच्चइ-समणे भगवं महावीरे महानिज्जामप” ॥२१८॥

तए णं से सद्दालपुत्ते समणोवासए गोसालं मङ्गलिपुत्तं एवं वयासी-“ तुम्भे णं, देवाणुप्पिया ! इयच्छेया जाव इयनिउणा इयतयवादी इयउवएसलद्धा इयविण्णाणपत्ता, पभू णं तुम्भे मम धम्मायरिणं धम्मोवपसपणं भगवया महावीरेणं सद्धि विवादं करेत्तए ?”

‘नो इण्हे समहे’

से केणट्टेण, देवाणुणिया ! एवं बुच्चइ-नो खलु पभू तुम्हे मम धम्मायरिपणं जाव महावीरेणं सद्धिं विवादं करेत्तप ?”॥

“सद्दालपुत्ता ! से जहानामप केइ पुरिसे तरुणे जुगधं जाव निउणसिणोवणप पणं महं अयं वा पलयं वा सूयरं वा कुक्कुड वा तित्तिर वा वट्टयं वा लावयं वा कवोय वा कविञ्जलं वा वायसं वा सेणयं वा हत्थंसि वा पायंसि वा खुरंसि वा पुच्छसि वा पिच्छंसि वा सिङ्गंसि वा विसाणंसि वा रोमंसि वा जहिं जहिं गिण्हइ, तहिं तहिं निच्चलं निष्फंदं घरेइ । एवामेव समणे भग्वं महावीरे ममं वहुहिं अट्टेहि य हेऊहि य जाव वागरणेहि य जहिं जहिं गिण्हइ, तहिं तहिं निपट्टपमिणवागरणं करेइ । से तेणट्टेण, सद्दालपुत्ता ! एवं बुच्चइ-नो खलु पभू अहं तव धम्मायरिपणं जाव महावीरेणं सद्धिं विवादं करेत्तप” ॥२१९॥

तए णं से सद्दालपुत्ते समणोवासए गोसालं मङ्गलिपुत्तं एवं वयामी-“ जम्हा णं, देवाणुणिया, तुम्हे मम धम्मायरियस्स जाव महावीरस्स मन्तेहि तच्चेहिं तद्धिपहिं सच्चू-पहिं भावेहिं गुणकित्तणं करेइ, तम्हा णं अहं तुम्हे पाडिहारिपणं पीढ जाव संथारपणं उचनिमन्तेमि । नो चेव णं भम्मो त्ति वा तवो त्ति वा । तं गच्छइ णं तुम्हे मम कुम्भारावणेसु पाडिहारियं पीढकत्तणं जाव ओगिण्हित्तणं विहरइ” ॥२२०॥

तए णं से गोसाले मङ्गलिपुत्ते सद्दालपुत्तस्स समणोवासयस्स पयमहं पडिसुणेइ, २ त्ता कुम्भारावणेसु पाडिहारियं पीढ जाव ओगिण्हित्तणं विहरइ ॥२२१॥

तए णं से गोसाले मङ्गलिपुत्ते सद्दालपुत्तं समणोवासमं जाहे नो संचापइ बहुहिं आघवणाहि य पणवणाहि य सणव-

णाहि य विण्णवणाहि य निगन्थाओ पावयणाओ चालित्तप
 वा ओमित्तप वा विपरिणामित्तप वा, ताहे सन्ते तन्ते परि-
 तन्ते पोलासपुराओ नथराओ पडिणिक्खमइ, २ ता बहिया
 नणवयविहारं विहरइ ॥२२२॥

तप णं तस्स सद्दालपुत्तस्स समणोवासयस्स बह्वहि
 सील जाव भावेमाणस्स चोहस संवच्छरा वीइक्खन्ता ।
 पण्णरसमएव संवच्छरस्स अन्तरा वट्टमाणस्स पुव्वरत्ता-
 वरत्तकाले जाव पोसहसालाप समणस्स भगवओ महावी-
 रस्स अन्तियं धम्मपण्णत्ति उवसं उज्जित्ताणं विहरइ ॥२२३॥

तप णं तस्स सहालपुत्तस्स समणोवासयस्स पुव्वरत्तावर-
 त्तकाले पगे देवे अन्तियं पाउब्भवित्था ॥२२४॥

तप णं से देवे पगं महं नीलुण्णल जाव बसिं गहाय
 सहालपुत्तं समणोवासयं एवं वयासी-जहा चुलणीपियस्स
 तहेव देवो उवसगं करेइ । नवरं-पक्केके पुत्ते नव मंससोल्लप
 करेइ । जाव कणीयसं घापइ, २ ता जाव आयब्बइ ॥२२५॥

तप णं से सहालपुत्ते समणोवासय अभीप जाव विहरइ
 ॥२२६॥

तप णं से देवे सहालपुत्ते समणोवासयं अभीयं जाव
 पासित्ता चउत्थं पि सहालपुत्तं समणोवासयं एवं वयासी-
 “इं भो ! सहालपुत्ता ! समणोवासया ! अपत्थियपत्थिया !
 जाव न भञ्जसि, तओ ते जा इमा अग्गमित्ता भारिया
 धम्मसहाइया धम्मविइज्जिया धम्माणुरागरत्ता समसुह-
 दुक्खसहाइया, तं ते साओ गिहाओ नीणेमि, २ ता तव
 अग्गओ घापमि, २ ता नव मंससोल्लप करेमि, २ ता आदा-
 णभरियंसि कडाहयंसि अहहेमि, २ ता तव गायं मंसेण य
 सोणिपण य आयब्बामि, जहा णं तुमं अट्टुइइ जाव ववरो-
 चित्तसि ॥२२७॥

तप णं से सहालपुत्ते समणोवासप तेणं देवेणं पवं बुत्ते
समाणे अभोप जाव विहरइ ॥२२८॥

तप णं से देवे सहालपुत्तं समणोवासयं दोषं पि तथं
पि पवं वयासी-“इ भो ! सहालपुत्ता ! समणोवासया ! ’ तं
चेव भणइ ॥२२९॥

तप णं तस्स सहालपुत्तस्स समणोवासयस्स तेणं देवेणं
दोच्चं पि तच्चं पि पवं बुत्तस्स समाणस्स अयं अज्झत्थिप
४ समुप्पन्ने-पवं जहा चुलणीपिया तद्देव चिन्तेइ । “जेणं
ममं जेट्ठं पुत्तं, जेणं ममं मज्झिमयं पुत्तं, जेणं ममं कणीयसं
पुत्तं जाव आयञ्चइ जा वि य णं ममं इमा अग्गिमित्ता
भारिया समसुहदुक्खसहाइया, तं पि य इच्छइ साओ
गिह्वाओ नीणेत्ता ममं अग्गओ घापत्तप । तं सेयं खलु ममं
पयं पुरिसं गिण्हत्तप” त्ति कट्टटु उट्ठाइप जहा चुलणीपिया
तद्देव सव्वं भाणियव्वं । नवरं-अग्गिमित्ता भारिया कोलाहलं
सुणित्ता भणइ । सेसं जहा चुलणीपियावत्तव्वया, नवरं-
अरुणच्चप विमाणे उववन्ने जाव महाविदेहे वासे सिज्झि-
हिइ ॥२३०॥

॥निकखेवो॥

॥सत्तमं सहालपुत्तञ्ज्झयणं समस्तं॥

अट्ठमे महासयये अज्झयणे

॥ उवखेवा ॥

पवं खलु, जम्बू ! तेणं कालेणं तेणं समपणं रायगिहे
नयरे । गुणसिले चेइप । सेणिप राया ॥२३१॥

तत्थ णं रायगिहे महासयप नामं गाहावई परिवसइ
अइहे जहा आणन्दो । नवरं-अट्ठ हिरण्णकोडीओ सकं-

साओ निहाणपउत्ताओ, अट्ट हिरण्णकोडीओ सकंसाओ
वड्ढिपउत्ताओ, अट्ट हिरण्णकोडीओ सकंसाओ पवित्थर-
पउत्ताओ, अट्ट वया दसगोसाहस्सिपणं वणणं ॥२३२॥

तस्स णं महासययस्स रेवईपामोक्खाओ तेरस भारि-
याओ होत्था, अहीण जाव सुरूवाओ ॥२३३॥

तस्स णं महासययस्स रेवईप भारियाप कोलघरि-
याओ अट्ट हिरण्णकोडीओ, अट्ट वया दसगोसाहस्सिपणं
वणणं होत्था । अवसेमाणं दुवालमण्हं भारियाणं कोलघ-
रिया पगमेगा हिरण्णकोडी, पगमेगे य वप दसगोसाह-
स्सिपणं वणणं होत्था ॥२३४॥

तेणं कालेणं तेणं समणं सामी समोसडे । परिसा
निग्गया । जहा आणन्दो तहा निग्गच्छइ । तहेव सावय-
धम्मं पडिवज्जइ । नउरं-अट्ट हिरण्णकोडीओ सकंसाओ
उच्चारेइ, अट्ट वया, रेवईपामोक्खाहिं तेरसहिं भारियाहिं
अवसेसं मेहुणविहिं पच्चक्खाइ । सेसं सव्व तहेव । इमं
च णं पयारूवं अभिग्गहं अभिगिण्हइ - “कल्लाकल्लि
कण्णइ मे वेदोणियाप कंसपाईप हिरण्णभरियाप संववह-
रित्तप” ॥२३५॥

तए णं से भडामयए समणोवासए जाए अभिगयजी-
वाजीवे जाव विहरइ ॥२३६॥

तए णं सवणे भगवं महावीरे बहिया जणवयविहारं
विहरइ ॥२३७॥

तए णं तोसे रेवईप गाहावइणीप अन्नया कयाइ
पुव्वरत्तावरत्तकालसमयंसि कुडुम्ब जाव इमेयारूवे अञ्ज-
त्थिए ४- ‘पवं खलु अहं इमांसि दुवालसण्हं सवत्तीणं विधा-
पणं नो संचापमि महासयपणं समणोवासपणं सद्धि उरा-
लाइ माणुस्सयाइ भोगभोगाइ भुञ्जमाणी विहरित्तप । तं

सेयं खलु मम पयाओ दुवालस वि सवत्तियाओ अग्गिप-
ओगेण वा सत्थप्पओगेण वा विसप्पओगेण वा जीवियाओ
ववरोवित्ता, पयासि पगमेगं हिरण्णकोडिं पगमेगं वयं
सयमेव उवसं रज्जित्ताणं महासयपणं समणोवासपणं सद्धि
उरालाई जाव विहरिस्सप' पवं संपेहेइ, २ ता तासि
दुवालसण्हं सवत्तीणं अन्तराणि य छिद्दाणि य विवराणि
य पडिजागरमाणी विहरइ ॥२३८॥

तए णं सा रेवई गाहावइणी अन्नया कयाइ तासि
दुवालसण्हं सवत्तीणं अन्तरं जाणित्ता छ सवत्तीओ सत्थप्प-
ओगेणं उह्वेइ, २ ता छ सवत्तीओ विसप्पओगेणं उह्वेइ,
२ ता तासि दुवालसण्हं सवत्तीणं कोलघरियं पगमेगं
हिरण्णकोडिं पगमेगं वयं सयमेव पडिवज्जइ, २ ता महा-
सयपणं समणोवासपणं सद्धि उरालाई भागमोगाई भुज्ज-
माणी विहरइ ॥२३९॥

तए णं सा रेवई गाहावइणी मंसलोलुया, मंसेसु
मुच्छिया, जाव अज्जोवयन्ना बहुविहेहिं मंसेहि य सोल्लेहि
य तल्लिपहि य भज्जिपहि य सुरं च महुं च मेरगं च मज्जं
च सीधुं च पसन्नं च आसापमाणी ४ विहरइ ॥२४०॥

तए णं राशगिहे नयरे अन्नया कयाइ अमाघाप घुडे
यावि होत्था ॥२४१॥

तए णं सा रेवई गाहावइणी मंसलोलुया, मंसेसु
मुच्छिया ४ कोलघरिप पुरिसे सहावेइ, २ ता पवं वयासी-
“तुंमे, देवाणुप्पिया ! मम कोलघरिपिद्धितो वपिद्धितो कल्ला-
कल्लि दुवे दुवे गोणपोयप उह्वेइ, २ ता ममं उवणेइ” ॥२४२॥

तए णं ते कोलघरिया पुरिसा रेवईप गाहावइणीप
'तद्' स्ति पयमहं विणपणं पडिसुणन्ति, २ ता रेवईप
गाहावइणीप कोलघरिपिद्धितो वपिद्धितो कल्लाकल्लि दुवे दुवे

गोणपोयप वहेमि, २ सा रेवईप गाहावइणीप उषणेन्ति
॥२४३॥

तप णं सा रेवई गाहावइणी तेहि गोणमंसेहि सोप्लेहि
४ ४ सुरं च ६ आसापमाणी ४ विहरइ ॥२४४॥

तप णं तस्स महासयगस्स समणोवासगस्स बहुहि
सील जाव भावेमाणस्स चोहस संवच्छरा वीइक्कन्ता । पवं
तहेव जेट्ठं पुत्तं ठवेइ जाव पोसहसालाप धम्मपण्णत्ति उष-
संपज्जित्ताणं विहरइ ॥२४५॥

तप णं सा रेवई गाहावइणी मत्ता, लुलिया, घिइण्ण-
केसी, उत्तरिज्जयं विकइढमाणी २ जेणेव पोसहसाला जेणेव
महासयप समणोवासप तेणेव उवागच्छइ, २ सा मोहुम्मा-
यजणणाइं सिक्कारियाइं इत्थिभावाइं उवदंसेमाणी २ महास-
ययं समणोवासयं पवं वयासी-“हं ! भो ! महासयया !
समणोवासया ! धम्मकामया ! पुण्णकामया ! सग्गकामया !
मोक्खकामया ! धम्मकङ्खिया ! ४ धम्मपिवासिया ! ४, किं
णं तुव्वं, देवाणुप्पिया ! धम्मेण वा पुण्णेण वा सग्गेण वा
मोक्खेण वा, जं णं तुमं मप सद्धि उरालाइं जाव भुज्जमाणे
नो विहरसि ?” ॥२४६॥

तप णं से महासयप समणोवासप रेवईप गाहावइ-
णीप ण्यमट्ठं नो आढाइ, नो परियाणाइ, अणाढायमाणे अप-
रियाणमाणे तुसिणीप धम्मज्झाणोवगप विहरइ ॥२४७॥

तप णं सा रेवई गाहावइणी महासयययं समणोवासवं
दोच्चं पि तच्चं पि पवं वयासो-“हं ! भो !” तं चेव भणइ,
सो वि तहेव जाव अणाढायमाणे अपरियाणमाणे विहरइ
॥२४८॥

तप णं सा रेवई गाहावइणी महासयपणं समणोवा-
सपण-अणाढाइज्जमाणी अपरियाणिज्जमाणी जामेव दिस्सि
पाउम्भूया तामेव दिस्सि पडिगया ॥२४९॥

तप णं से महासयप समणोवासप पदमं उवासगपडिमं
उवसंपज्जित्ताणं विहरइ । पदमं अहासुत्तं जाव पक्खारस
धि ॥२५०॥

तप णं से महासयप समणोवासप तेणं उरालेणं जाव
किसे धमणिसंतप जाप ॥२५१॥

तप णं तस्स महासययस्स समणोवासयस्स अन्नया
कयाइ पुव्वरत्तावरत्तकाले धम्मजागरियं जागरमाणस्स
अयं अज्झत्थिप ४-“एवं खलु अहं इमेणं उरालेणं” जहा
आणन्दो तहेव अपच्छिममारणन्तियसंलेहणाप झूसियसरीरे
भत्तपाणपडियाइक्खिप कालं अणवकङ्कमाणे विहरइ ॥२५२॥

तप णं तस्स महासयगस्स समणोवासगस्स सुमेणं
अज्झवसाणेणं जाव खओवसमेणं ओहिणाणे समुप्पन्ने ।
पुरत्थिमेणं लवणसमुद्दे जोयणसाहस्सियं खेत्तं जाणइ
पासइ, एवं दक्खिणेणं, पच्चत्थिमेणं । उत्तरेणं जाव चुल्लहि-
मवन्तं वासहरपव्वयं जाणइ पासइ, अहे इमीसे रयणप्प-
भाप पुढवीप लोलुयच्चुयं नरयं चउरासीइवाससहस्सट्ठि-
इयं जाणइ पासइ ॥२५३॥

तप णं सा रेवई गाहावइणी अन्नया कयाइ मत्ता
जाव उत्तरिज्जयं विकइढमाणो २ जेजेव महासयप समणो-
वासप जेजेव पोसइसाला तेजेव उवागच्छइ, २ ता महास-
ययं तहेव भणइ जाव दोच्चं पि तच्चं पि एवं वयासी—
“हं ! भो !” तहेव ॥२५४॥

तप णं से महासयप समणोवासप रेवईप गाहावइ-
णीप दोच्चं पि तच्चं पि एवं बुत्ते समाणे आसुरत्ते ४
ओहिं पउज्जइ, २ ता ओहिणा आभोपइ, २ ता रेवई गाहा-
वइणि एवं वयासी-“हं ! भो ! रेवई ! अपत्थियपत्थिप !
४ एवं खलु तुमं अन्तो सत्तरत्तस्स अलसपणं वाहिणा

अभिभूया समाणी अट्टदुद्धवसट्टा असमाहिपत्ता कालमासे कालं किञ्चा अहे इमीसे रयणप्पभाप पुढवीप लोलुयच्चुप नरप चउरासोइवाससहस्सट्ठिइपसु नेरइपसु नेरइयत्ताप उववज्जिहिसि" ॥२५५॥

तप णं सा रेवई गाहावइणी महासयपणं समणोवास-
पणं एवं वुत्ता समाणी एवं वयासी—“रुट्ठे णं ममं महा-
सयप समणोवासप, हीणे णं ममं महासयप, अवज्झाया
णं अहं महासयपणं समणोवासपणं, न नज्जइ णं अहं केण
वि कुमारेणं मारिज्जिस्सामि” त्ति कट्टु भोया तथा
तसिया उव्विग्गा संजायमया सणियं २ पच्चोसकइ, २ त्ता
जेणेव सर गिहे तेणेव उवागच्छइ, २ त्ता ओहय जाव
झियाइ ॥२५६॥

तप णं सा रेवई गाहावइणी अन्तो सत्तरत्तस्स अलस-
पणं वाहिणा अभिभूया अट्टदुद्धवसट्टा कालमासे कालं
किञ्चा इमीसे रयणप्पभाप पुढवीप लोलुयच्चुप नरप चउ-
रासोइवाससहस्सट्ठिइपसु नेरइपसु नेरइयत्ताप उववन्ना
॥२५६॥

तेणं कालेणं तेणं समरणं समणे भगवं महावीरे । समो-
सरणं जाव परिसा पडिगया ॥२५७॥

‘गोयमा !’ इ समणे भगवं महावीरे एवं वयासो-
“एवं खलु, गोयमा ! इहेव रायगिहे नयरे ममं अन्तेवासी
महासयप नामं समणोवासप पोसहसालाप अपच्छिममार-
णन्तियसंलेहणाप झूसियसरीरे भत्तपाणपडियाइक्खिप
कालं अणवक्कळमाणे विहरइ । तप णं तस्स महासयगस्स
रेवई गाहावइणी मत्ता जाव विकइइदमाणी २ जेणेव
पोसहसाला जेणेव महासयप तेणेव उवागया, मोहुम्माय-
जाव एवं वयासी—तहेव जाव दोच्चं पि, तच्चं पि एवं

बयासी। तप णं से महासयप समणोवासप रेवईप गाहा-
वइणीप दोच्चं पि तच्चं पि पव बुत्ते समाणे आसुरस्ते ४ ओहिं
पउज्झइ, २ ता ओहिणा आभोपइ, २ ता रेवई गाहावइणि
पवं बयासी-जाव "उववज्जिहिसि" । नो खलु कप्पइ,
गोयमा ! समणोवासगस्स अपच्छिम जाव झूसियसरीरस्स
भत्तपाणपडियाइक्खियस्स परो सन्तेहिं तच्चेहिं तहिपहिं
सच्चूपहिं अणिट्ठेहिं अकन्तेहिं अप्पिण्हिं अमणुण्णेहिं अम-
णामेहिं वागरणेहिं वागरित्तप । तं गच्छ णं, देवाणुप्पिया !
तुमं महासययं समणोवात्मयं पवं बयाहि -"नो खलु, देवा-
णुप्पिया ! कप्पइ समणोवासगस्स अपच्छिम जाव भत्तपा-
णपडियाइक्खियस्स परो सन्तेहिं जाव वागरित्तप । तुमे य
णं देवाणुप्पिया ! रेवई गाहावइणी सन्तेहिं ४ अणिट्ठेहिं
५ वागरणेहिं वागरिया । तं णं तुमं ण्यस्स टाणस्स आलो-
पहिं जाव जहारिहं च पायच्छित्तं पडियज्जाहि" ॥२५९॥

तप णं से भगवं गोयमे सण्णस्स भगवओ महावी-
रस्स 'तह' त्ति पयमट्ठं विणण्णं पडिसुणेइ, २ ता तओ
पडिणिक्खमइ, २ ता रायगिहं नयरं मज्झंमज्झेणं अणुप्प-
विसइ, २ ता जेणेव महासयगस्स समणोवासयस्स गिहे
जेणेव महासयप समणोवासप तेणेव उवागच्छइ ॥२६०॥

तप णं से महासयप समणोवासप भगवं गोयमं पज्ज-
माणं पासइ, २ ता हट्ट जाव हियप भगवं गोयमं वन्दइ
नमंसइ ॥२६१॥

तप णं से भगवं गोयमे महासययं समणोवासयं पवं
बयासी-"पवं खलु, देवाणुप्पिया ! समणे भगवं महावीरे
पवमाइक्खइ भासइ पण्णवेइ परूवेइ-"नो खलु कप्पइ, देवा-
णुप्पिया ! समणोवासगस्स अपच्छिम जाव वागरित्तप ।
तुमे णं, देवाणुप्पिया ! रेवई गाहावइणी सन्तेहिं जाव वाग-

रिया । तं णं तुमं, देवाणुप्पिया ! पयस्स ठाणस्स आलो-
पहि जाव पडिवज्जाहि” ॥२६२॥

तए णं से महासयए समणोवासए भगवओ गोयमस्स
‘तह’ त्ति पयमट्ठं विणपणं पडिसुणेइ, २ ता तस्स
ठाणस्स आलोपइ जाव अहारिहं च पायच्छित्तं पडिवज्जइ
॥२६३॥

तए णं से भगवं गोयमे महासयगस्स समणावास-
यस्स अन्तियाओ पडिणिक्खमइ, २ ता रायगिहं नयरं
मज्झमज्जेणं निग्गच्छइ, २ ता जेणेव समणे भगवं महा-
वीरे तेणेव उवागच्छइ, २ ता समणं भगवं महावीरं
वन्दइ नमंसइ, २ ता संजमेणं तवसा अप्पाणं भावेमाणे
विहरइ ॥२६४॥

तए णं समणे भगवं महावीरे अन्नया कयाइ रायगि-
हाओ नयराओ पडिणिक्खमइ, २ ता बहिया जणवयवि-
हारं विहरइ ॥२६५॥

तए णं से महासयए समणोवासए बहुहिं सोल जाव
भावेत्ता वीसं वासाइं समणोवासगपरियायं पाउणित्ता
एक्कारस उवासगपडिमाओ सम्मं काएण फासित्ता मासि-
याए संलेहणाए अप्पाणं झूसित्ता सट्ठिं भत्ताइं अणसणाए
छेदेत्ता आलाइयपडिक्कन्ते समाहिपत्ते कालमासे कालं
किच्चा सोइम्मे कप्पे अरुणवडिसए विमाणे देवत्ताए उव-
वन्ने । चत्तारि पल्लिओवमाइं ठिई । महाविदेहे वासे सिज्झि-
हिइ ॥२६६॥

॥ निक्खेवो ॥

अट्टमं महासययज्झयणं समत्तं ॥

नवमे नन्दिणीपिया अज्झयणे ।

॥ उक्खेवो ॥

एवं खलु, जम्बू ! तेणं कालेणं तेणं समपणं सावत्थी
नयरी । कोट्टप चेइए । जियसत्तू राया ॥२६७॥

तत्थ णं सावत्थीए नयरीए नन्दिणीपिया नामं गाहा-
वई परिवसइ अइडे । चत्तारि हिरण्णकोडीओ निहाणप-
उत्ताओ, चत्तारि हिरण्णकोडीओ वइट्ठिपउत्ताओ, चत्तारि
हिरण्णकोडीओ पवित्थरपउत्ताओ, चत्तारि वया दसगोसा-
इस्सिपणं वपणं । अस्सिणी भारिया ॥२६८॥

सामो समोसडे । जहा आणन्दो तहेव गिहिधम्मं
पडिवज्जइ । सामी बहिया विहरइ ॥२६९॥

तए णं से नन्दिणीपिया समणावासए जाए जाव विह-
रइ ॥२७०॥

तए णं तस्स नन्दिणीपियस्स समणोवासयस्स बहूहिं
सोलव्वयगुण जाव भावेमाणस्स चोहम संवच्छराइं वीइ-
क्कन्ताइं । तहेव जेहुं पुत्तं उव्वेइ । धम्मपण्णत्तिं । वीसं
वासइं परियत्तं । नाणत्तं—अरुणावे विमाणे उववाओ ।
महाविदेहे वासे तिज्झिह्विइ ॥ २७१ ॥

॥ निकखेवो ॥

नवमं नन्दिणीपियज्झयणं समत्तं ॥

दसमे सात्रिहापिया अज्झयणे ।

॥ उक्खेवो ॥

एवं खलु, जम्बू ! तेणं कालेणं तेणं समपणं सावत्थी
नयरी । कोट्टप चेइए । जियसत्तू राया ॥ २७२ ॥

तत्थ णं सावत्थीए नयरीए सालिहीपिया नामं गाहा-
वई परिवसइ अइडे, दित्ते । चत्तारि हिरण्णकोडीओ निहाण-

पउत्ताओ, चत्तारि हिरण्णकोडीओ वड्ढिपउत्ताओ, चत्तारि हिरण्णकोडीओ पवित्थरपउत्ताओ, चत्तारि वया दसगो-साहस्सिपणं वणणं । फग्गुणी भारिया ॥२७३॥

सामी समोसहे । जहा आणन्दो तहेव गिहिधम्मं पडि-वज्जइ । जहा कामदेवो तहा जेट्ठं पुत्तं ठवेत्ता पोसहसा-लाप समणस्स भगवओ महावीरस्स धम्मपण्णत्ति उवसं-पज्जित्ताणं विहरइ । नवरं-निरुवसग्गाओ पक्कास वि उवासगपडिमाओ तहेव भाणियव्वाओ । एवं कामदेव-गमेणं नेयव्वं जाव सोहम्मं कप्पे अरुणकीले विमाणे देव-त्ताप उववन्ने । चत्तारि पलिओवमाइं ठिई । महाविदेहे वासे सिज्झिहिइ ॥ २७४ ॥

दसण्ह वि पण्णरसमे संवच्छरे वट्टमाणणं चिन्ता । दसण्ह वि वीसं वासाइं समणोवासयपरियाओ ॥ २७५ ॥

एवं खलु, जम्बू ! समणेणं जाव संपत्तेण सत्तमस्स अङ्गस्स उवासगदसाणं दसमस्स अञ्जयणस्स अयमट्ठे पण्णत्ते ॥२७६॥

दसमं सालिहीपियऽञ्जयणं रुमत्तं

१वाणियगामे चम्पा दुवे य बाणारसीइ नयरीप ।

आलभिया य पुरवरो कम्पिल्लपुरं च बोद्धव्वं ॥१॥

पोलासं रायगिहं सावत्थीप पुरीप दोन्नि भवे ।

एप उवासगाणं नयरा खलु होन्ति बोद्धव्वा ॥२॥

सिवनन्द-भइ-सामा धन्न-बहुल-पूस-अग्गिमित्ता य ।

रेवइ-अस्सिणि तह फग्गुणी य भज्जाण नामाइं ॥३॥

ओहिण्णाण पिसाप माया वाहि-धण-उत्तरिज्जे य ।

भज्जा य सुध्वया दुध्वया, निरुवसग्गया दोन्नि ॥४॥

१ एताः उपसकदशा-अङ्गतविषयस्य संग्रहगाथाः पुस्तकान्तरे सन्ति ।

अरुणे अरुणामे खलु अरुणप्पह-अरुणकन्त-सिद्धे य ।
 अरुणज्ज्ञप य छ्ठे भूय-वडिसे गवे कीले ॥५॥
 खाली सद्धि असीई सद्धो सद्धी य सद्धि दस सहस्सा ।
 असिई चत्ता चत्ता पप वइयाण य सहस्सा णं ॥६॥
 बारस अट्टारस चउवीसं तिविहं अट्टरसाइ नेयं ।
 धन्नेण तिचोवीसं बारस बारस य कोडीओ ॥७॥
 उल्लण-दन्तवण-फले अभिङ्गणुव्वट्टणे सणाणे य ।
 वत्थ-विलेवण-पुण्फे आभरणं धूव-पेज्जाइ ॥८॥
 भक्खोयण-सूय-घप सागे माहुर-जेमण पाणे य ।
 तम्बोले इगवीसं आणन्दाईण अभिग्गहा ॥९॥
 उइहं सोहम्मपुरे लोलूप अहे उत्तरे हिमवन्ते ।
 पञ्चसप तह तिदिंसि ओहिण्णाणं दसगणस्स । १०॥
 दंसण-वय-सामाइय-पोसह-पडिमा-अवम्भ-सच्चित्ते ।
 आरम्भ-पेस-उहिट्टवज्जप समणभूय य ॥११॥
 इक्कारस पडिमाओ वीसं परियाओ अणसणं मासे ।
 सोहम्मे चउगलिया महाविदेहम्मि विज्झिहिइ ॥१२॥

॥ उवासगदसाओ समत्ताओ ॥

उवासगदसाणं सत्तमस्स अङ्गस्स पगो सुयक्खन्धो । दस
 अज्झयणा पक्कसरगा दससु चेव दिवसेसु उहिस्सन्ति ।
 तओ सुयक्खन्धो समुदिस्सइ । अणुणगविज्जइ दोसु दिवसेसु ।
 अङ्गं तहेव ॥



उवासगदसाओ सूत्र

परिचय

इस पुस्तक का नाम 'उवासगदसा' अथवा 'उवासगदसाओ' है जिसका संस्कृत 'उपासकदशा' अथवा 'उपासकदशाः' होता है। यह जैन अङ्ग ग्रन्थों में सातवाँ अङ्ग है। जैन आगम साहित्य में कुल बारह अङ्ग हैं जिसमें से ग्यारहवाँ अङ्ग 'दृष्टिवाद' हजारों वर्षों से लुप्त हो गया है। विद्यमान ग्यारह अङ्ग अपने मूल परिमाण से बहुत कम हो गये हैं। 'समवाय' नामक चतुर्थ अङ्ग के वृत्तिकार श्री अभयदेवसूरि के अनुसार उवासगदसा में अग्यारह लाख बावन हजार पद थे। नन्दिमूत्र के वृत्तिकार श्री मलयगिरि भी इसका समर्थन करते हैं। प्राचीन समय में आत्मार्थी संन साधु धर्म सूत्रों को कंठस्थ करके उनका प्रतिदिन स्वाध्याय करते रहते थे, परन्तु मगध देश में भागी दुष्काल पड़ने से उनकी स्मरण शक्ति कम हो गयी और शास्त्र विस्मृत होने लगे। ऐसे समय में उनकी रक्षा करने के लिए आचार्य स्कंदिल और आचार्य नागार्जुन ने भ्रमणों के अलग-अलग सम्मेलन बुलाए और जो शास्त्र बच गये थे उनकी रक्षा की। फिर फिर ऐसी स्थिति उत्पन्न होने और उस से बचने के लिए महाप्रभावक जैनाचार्य श्री देवर्षिगणी क्षमाश्रमण ने बलभीपुर में भ्रमणों का एक विशाल सम्मेलन बुलाया और जिसको जिनना पाठ था उसे ताड़पत्र आदि पर लिखवा दिया। उस समय प्रस्तुत उवासगदसाओ केवल आठ सौ अनुष्टुप्-लोक प्रमाण में ही उरलब्ध था और आज भी वह उसी आकार में हमें मिल रहा है।

अचेलक—दिगंबर जैन परम्परा में इसका नाम उपासकाध्याशन है। इसका परिमाण अग्यारह लाख सत्तर हजार पद बतलाया गया है परन्तु वर्तमान में इस परम्परा में भी इस सूत्र का परिमाण कम हो गया है।

उपासक—दशा अर्थात् उपासकों की याने भगवान महावीर के गृहस्थधर्मी उपासकों की दशा याने भवस्था का वर्णन जिसमें आठ है।

उसका नाम उपासकदशा अथवा उवासगदसा । इस नाम का अर्थ यह भी हो सकता है कि जिस ग्रन्थ में दश संख्या वाले उपासकों की जीवनचर्या का वर्णन है उसका नाम उपासकदशा । इस प्रकार 'दसा' शब्द के दो अर्थ बतलाये गये हैं और नाम के अनुसार प्रस्तुत सूत्र में दश उपासकों की जीवनचर्या का वर्णन है अतः इस ग्रन्थ का नाम पूरा सार्थक है ।

टिप्पणियाँ

इस सूत्र की शैली समझने के लिए यहाँ पर कुछ टिप्पणियाँ दी जा रही हैं ।

१. प्रस्तुत सूत्र गद्यात्मक है और जहाँ किसी वस्तु का साहित्यिक दृष्टि से वर्णन करने का प्रयोग आया है उसका वर्णन वहाँ नहीं करके उस वर्णन को अन्य सूत्र से पढ़ने के लिए वहाँ पर 'वण्णओ' ऐसा शब्द रख दिया है, जैसे—चम्पा नामं नयरी होत्था । वण्णओ ॥ पुण्ण-भइ चेइए । वण्णओ । वाणियगामे नामं नयरे होत्था । वण्णओ ॥ जियससू नामं राया होत्था । वण्णओ ॥ (देखिए कंडिका १ और ३) इनका वर्णन औपपातिक—उववाइअ नाम के सूत्र में मिलता है जहाँ सूत्रकार ने इन सब का वर्णन कर दिखाया है । सूत्रकार ने बहुत से अन्य सूत्रों की भी रचना की है और सर्वत्र बारबार वर्णन न करना पड़े इस हेतु से अन्य सूत्रों में भी यथास्थान 'वण्णओ' शब्द का उपयोग किया गया है । ये वर्णन काफी लम्बे हैं । जिज्ञासु पाठक उनको औपपातिक सूत्र में से पढ़ लें ।

१. भगवान महावीरना दश उपासको (पं. वेचरदाम जीवराज दोशी : गुजरात विशापाठ, अहमदाबाद, द्वितीय संस्करण, १९४८) नामक गुजराती पुस्तक में ऐतिहासिक बातें, ब्राह्मण, बौद्ध और जैन उपासकों की चर्या का तुलनात्मक अध्ययन, उवासगदसाओ का अनुवाद और उसके मुख्य शब्दों पर विवेचन दिया गया है । प्रस्तावना में काका साहेब कालेलकर का 'सत्पुरुषधर्म' नामक एक बड़ा निबन्ध भी है । विशेष जानकारी के लिए यह ग्रन्थ पठनीय है ।

२. जिस प्रकार वर्णनीय प्रसंग को जाननेके लिए 'वण्णओ' शब्द का उपयोग किया गया है उसी प्रकार 'जाव' शब्द का उपयोग भी इसी हेतु से किया गया है। 'वण्णओ' में पूरा वर्णन अभिहित है लेकिन 'जाव' में यह वर्णन सीमित है और इसके लिए वहाँ पर अमुक शब्द से अमुक शब्द तक ऐसा स्पष्ट बतलाया गया है, जैसे—'समोसरिए जाव जम्बू' (कंडिका-२) अर्थात् 'समोसरिए' शब्द से 'जम्बू' शब्द तक का प्रसंग, इससे अधिक नहीं। उसी प्रकार 'भगवया महावीरेण जाव संपत्तेणं', 'समणंण जाव संपत्तेणं (क. २), 'अइडे जाव अपरिभूए' (कं. ३), 'राईसर जाव सत्थवाहाणं', 'मेटीभूए जाव सव्वकज्जवइटावए' (कं. ५), 'अहीण जाव सुरुवा', 'एइ जाव पच्चविहे' (कं. ६), 'रिद्धत्थिमिय जाव पासादिए' (कं. ७) इत्यादि अनेक ऐसे स्थल हैं जहाँ 'जाव' शब्द का निर्देश किया गया है। ये सब वर्णन भी औपपातिक सूत्र में उपलब्ध हैं, केवल अन्तर इतना है कि ये वर्णन 'वण्णओ' वाले वर्णनों से छोटे हैं।

३. अनेक जगह अध्याहार्य शब्द तथा अर्थ को जानने के लिए २, ३, ४, ५, ६ इत्यादि अंकों का उपयोग किया गया है उनका स्पष्टीकरण इस प्रकार है:—

क. जहाँ जहाँ २ अंक का उपयोग हुआ है, जैसे—निग्गच्छइ, २ ता। संपेहेइ, २ ता। पडिणिकखमइ, १ ता। उवागच्छइ, २ ता। और करेइ, २ ता। (क. ९ और १०) वहाँ क्रियापद के मूल धातृश में 'इत्ता' पद लगाकर निग्गच्छित्ता, संपेहित्ता, पडिणिकखमित्ता उवागच्छित्ता और करित्ता रूप दुहराने चाहिए।

ख. 'असइहमाणे ३' से 'असइहमाणे अरोएमाणे अपत्तियमाणे' पढ़ना चाहिए (कं. ११३)।

ग. 'आउक्खएणं ३' से 'आउक्खएणं भवक्खएणं ठिइक्खएणं' पढ़ना चाहिए (कं. ९०)।

घ. 'पच्चवक्खामि ३' से 'पच्चवक्खामि मणसा वयसा कायसा' पढ़ना चाहिए (कं. १६) ।

ङ. 'लद्धा ३' से 'लद्धा पत्ता अभिसमन्नागया' पढ़ना चाहिए (कं. ११३) ।

च. 'संकिए ३' से 'संकिए कंखिए विइगिच्छासभावन्ने' पढ़ना चाहिए (कं. ८६) ।

छ. 'असणं ४' से 'असणं पाणं खाइमं साइमं' पढ़ना चाहिए (कं. ६६) ।

ज. 'आइवखइ ४' से 'आइवखइ भासइ पणवेइ परूवेइ' पढ़ना चाहिए (कं. ७९) ।

झ. 'आलम्बणं ४' से 'आलम्बणं पमाणं आहारे चक्खु' पढ़ना चाहिए (कं. ६६) ।

ञ. 'आमाएमाणी ४' से 'आमाएमाणी विसाएमाणी परिभुजेमाणी परिभाएमाणी' पढ़ना चाहिए (कं. २४०) ।

ट. 'मुच्छिषा ८' से 'मुच्छिषा गिद्धा लोला अज्जोववन्ना' पढ़ना चाहिए (कं. २४२) ।

ठ. 'अज्जन्थिए ४' से 'अज्जन्थिए चित्थिए मणोगए मंकापे' पढ़ना चाहिए (कं. ७३) । जहाँ ५ हो वहाँ 'पन्थिए' और जोड़ देना चाहिए (कं. ८) ।

ड. 'अपन्थियपन्थिया ४' से 'अपन्थियपन्थिया दुरंतपंतलक्खणा हीणपुणसग्गउद्दिमिया हिरिमिग्गिद्धाकन्तिरिवज्जिया' पढ़ना चाहिए । जहाँ ५ हो वहाँ 'धम्मपुणसग्गमोक्खकामया' और जोड़ देना चाहिए (कं. ९५ और १३५) ।

ढ. 'आसुररो ४' से 'आसुररो रुट्ठे कुविए चंडिकए' पढ़ना चाहिए (कं. १०५) । जहाँ ५ हो वहाँ 'मिसिमिसीयमाणं' और जोड़ देना चाहिए (कं. १९) ।

ण. 'धम्मकंखिया ५' से 'धम्मकंखिया पुण्णकंखिया सग्गकंखिया मोक्खकंखिया धम्मपुण्णसग्गमोक्खकंखिया' पढ़ना चाहिए (कं. ९५) ।

त. 'धम्मपिवासिया ५' से 'धम्मपिवासिया पुण्यपिवासिया सम्गपिवा-
सिया मोक्खपिवासिया धम्मपुण्यसम्मोक्खपिवासिया' पढ़ना चाहिए (कं.
१५) ।

थ. 'पुष्फ ५' से 'पुष्फेण वत्थेण गंधेण मल्लेण अलंकारेण' पढ़ना
चाहिए (कं. ६६) ।

द. 'सिज्झिहिइ ५' से 'सिज्झिहिइ बुज्झिहिइ मुच्चिहिइ परिनि-
व्वाहिइ सब्बदुक्खाणमंतं काहिइ' पढ़ना चाहिए (कं. १४४) ।

ध. 'इह्ठी ६' से 'इह्ठी जुई असो बलं वीरियं पुरिसक्कारपरक्कमे'
पढ़ना चाहिए (कं. ११३) ।

सूत्रों में 'मग्गे भगवं महावीरे जिणे सुहत्थी' ऐसा वाक्य आता
है वहाँ 'जिणु हत्थी' ऐसा पदच्छेद होना चाहिए अर्थात् जिनों में
-वीनरागों में हस्ती समान । 'जिणे सुहत्थां' ऐसा प्रथमान्न रखने में
'सुहत्थां' पद का कोई विशेष अर्थ नहीं दिखता और यह विशेषण
उचित अर्थ का बोध नहीं कराना क्योंकि भगवान् महावीर न तो
शुभार्थी है और न हीं दुःखार्थी जैसा कि टाकाकारों ने समझाया है ।
अतः सूत्रों में प्रयुक्त 'पुण्यसवगं वहत्थी' पद के साथ तुलना करने पर
'जिणु हत्थी' पदच्छेद ही मग्न प्रतीत होना है (दिखिए कं. ७३) ।

अध्ययन के प्रारम्भ में 'उक्खेवो' शब्द ही वहाँ द्वितीय अध्य-
यन के प्रारम्भ में दी गयी पूरा कंडिका (नं. ११) अध्ययन की संख्या
बदलकर पढ़नी चाहिए (प्रथम और द्वितीय अध्ययन का छोड़कर) ।

अध्ययन के अन्त में 'निक्खेवो' शब्द प्रयुक्त है । वहाँ पर
अध्ययनों की संख्या बदलते हुए 'एवं खलु, जम्बू ! समणेणं जाव उवासग
दसाणं पढमस्स अज्झयणस्स अयमद्रुटे पण्णत्तो ति वेमि' इस प्रकार
पढ़ना चाहिए ।

आजोविक सम्प्रदाय के नेता गोशाल और उनके सिद्धान्त का
वर्णन भगवतोसूत्र के पन्द्रहवें शतक, सूत्रकृतांग के दूसरे श्रुतस्कन्ध
के छद्मे अध्ययन और दोघनिकाय के सामञ्जसफलसुत्त आदि में भी
मिलता है । जिज्ञासु पाठक वहाँ से पढ़ सकते हैं ।

प्राकृत विद्या मण्डल

उद्देश्य—प्राकृत भाषा और प्राकृत साहित्य के अध्ययन का विकास, उसका प्रसार तथा उसके अभ्यासियों को सहायता करना ।

प्रवृत्ति—पाठ्यपुस्तकों की कमी को दूर करने के लिए प्रयत्न करना, आवश्यकता पड़ने पर योग्य पुस्तकों का प्रकाशन करना और प्राकृत भाषा का अध्ययन करने वाले तेजस्वी विद्यार्थियों को उत्साहित करने के लिए छात्रवृत्ति देना ।

प्रकाशन

- १ महावीरचरियं-आयरियसिरिगुणचंद्रविरइयं
छट्ठो पत्थावो १-५०
- २ महावीर चरित-छट्ठो प्रस्ताव
अनुवादक पं. श्री बेचरदास जीवराज दोशी १-००
- ३ भगवतीसूत्र, शतक पन्द्रहवाँ-गोशालक
अनुवादक-पं. श्री रूपेन्द्रकुमार ००-७५

